

十六國春秋

一  
函  
十二冊  
函

十  
卯  
國  
高  
燦

光緒十二年六月  
湖北官書處重刊

重刊十六國春秋序

周禮有史官掌邦國四方之事達四方之志諸侯亦各有國史春秋者魯史記之名也自宣聖修之微而顯志而晦婉而成章盡而不汙懲惡而勸善垂百王之法度立萬世之準繩故胡氏以爲五經之有春秋猶法律之有斷例而近世撰述家家自爲書人自爲說竊其名不知其義皆所謂理不足而強焉者也然家有敝帚享之千金後之儒者覽其書得以考其世則參訂之助居多云案書以春秋名者同時有晏子春秋嗣後虞氏呂氏並出而隋書經籍志所載十二家如袁曄獻帝春秋孔舒元漢魏春秋王琰宋春秋吳均齊春秋蕭萬三十國春秋李槃戰國春秋陸賈楚漢春秋趙睦吳越春秋



司馬彪九州春秋崔鴻十六國春秋王秀道百官春秋義類甚賾今其書或在或亡亡者僅存其目焉于是一二愛奇嗜古之士窮搜冥索每以不及見鴻書爲缺憾蓋菽粟人所朝夕餐者則以爲常饌聖經是也龍肉江瑤柱偶耳其名未有不心慕異味而以得嘗一臠爲幸者諸家雜著是也余做篋中舊弄十六國春秋一書計一百卷暇時留意披閱見其土地橫分華夷混處江左風流敗壞決裂而不可復救伊古以來殆未聞糜爛如是之甚者不睹斯編又焉知此夫史書所載以典午爲正統故諸國時見而互舉其興衰鴻之所錄亦以典午爲正統故諸國獨編而各詳其起止無正史則統系相承之大義不明無鴻書則閭位餘分之亂萌不著蓋其所

關者鉅矣又況晉書成于李唐其紀載半以鴻爲圭臬此雖萬不得比于絕麟之筆而要其網羅散亡作史家之嚆矢豈猶夫屈步之蟲尋條失枝牛羊之眼但見方隅者哉舊序謂是書宋以來頗行于世近代闕焉嘉禾屠伯子挾先世之藏補逸訂譌舊梓以傳舊序作于前明萬曆三十七年迄今又百餘年矣藏書之家近亦罕覩此愛奇嗜古之士往往以不及見爲可恨者也爰加校勘付之剞劂復前人之舊觀存後來之枕秘庶幾廣布藝林得肉快意以不負屠子表章之意

云爾時

乾隆三十九年歲次甲午長至日仁和一之汪日桂譔

崔鴻本傳

北齊 中書令兼著作郎魏 收 奉 詔撰

崔鴻字彥鸞東清河歙人也曾祖曠從慕容德南渡河居青州慕容氏滅事宋文帝爲樂陵太守祖靈延仕宋武帝龍驤將軍長廣太守宋太宗時魏平三齊靈延與長子光竝徙代光以高祖太和中拜中書博士遷中書黃門侍郎兼侍中勅與李彪撰魏國書世宗卽位正除侍中加撫軍將軍爲太子傅世宗崩與受遺迎立太子肅宗卽位論功封博平公尋遷司徒進位太保光弟敬友卽鴻父也仕本州治中後除梁郡太守會遭所生母憂不拜敬友素精心佛道免喪遂菜食終世大路設食以供行者鴻少好讀書博綜經史太和二十年

拜彭城國常侍景明中稍遷尙書都兵郎中詔太師彭城王  
勰以下公卿朝士儒學才明者三十人議定律令于尙書上  
省鴻與光俱在其中時論榮之永平初爲行臺鎮南長史遷  
員外散騎常侍領郎中延昌三年以父憂解任甘露降其廬  
前樹復降其宅之庭樹肅宗正光元年爲司徒長史加前將  
軍修高祖世宗起居注光臨卒言鴻于肅宗詔鴻以本官修  
緝國書尋卒贈鎮東將軍度支尙書青州刺史鴻弱冠便有  
著述之志見晉魏前史皆成一家無所措意以劉淵石勒慕  
容雋苻健慕容垂姚萇慕容德赫連勃勃張軌李雄呂光乞  
伏國仁禿髮烏孤李暹沮渠蒙遜馮跋等竝因世故跨僭一  
方各有國書未有統一乃撰爲十六國春秋勒成百卷因其

舊記時有增損褒貶焉鴻二世事江左故不錄僭晉劉蕭之書又恐識者責之未敢出行于外世宗聞其撰錄遣散騎常侍趙邕詔鴻曰聞卿撰定諸史甚有條貫便可隨成者送呈朕當于機事之暇覽之鴻以其書有與國初相涉言多失體且既未訖迄不奏聞後典起居乃妄載其表曰臣聞帝王之興也雖誕應圖籙然必有驅除蓋所以翦彼厯政成此樂推故戰國紛紜年過十紀而漢祖夷殄羣豪開四百之業厯文景之懷柔蠻夏世宗之奮揚威武始得涼朔同文梓越一軌于是談遷感漢德之盛痛諸史放絕乃鈐括舊書著成太史所謂緝茲人事光彼天時之義也昔晉惠不競華戎亂起三帝受制于姦臣二皇晏駕于非所五都蕭條鞠爲煨燼趙燕

既爲長蛇遼海緬成殊域窮兵銳進以力相雄中原無主入  
十餘年遺晉僻遠勢略孤微民殘兵革靡所控歸皇魏龍潛  
幽代世篤公劉內修德政外抗諸僞并冀之民懷實之士襁  
負而至者日月相尋雖邠岐之赴太王謳歌之歸西伯實可  
同年而語矣太祖道武皇帝以神武之姿接金行之運應天  
順民龍飛受命太宗必世重光業隆立默世祖雄才叡畧闡  
曜威靈農戰兼修掃清氛穢歲垂四紀而實宇一同僭耳文  
身之長卉服斷髮之酋莫不請朔率職重譯來庭隱愍鴻濟  
之澤三樂擊壤之歌百姓始得陶然蘇息欣于堯舜之代自  
晉永嘉以後雖所在稱兵競自尊樹而能建邦命氏成爲戰  
國者十有六家善惡興滅之形用兵乖會之勢亦足以垂之

將來昭明勸戒但諸史殘缺體例不全編錄紛謬繁畧失所  
宜審正同異定爲一書伏惟高祖以大聖應期欽明御運合  
德乾坤同光日月建格天之功創不世之法開鑿生民維新  
大造陛下以青陽繼統獻武承天應符屈已則道高三五順  
神至境則洞彼立宗剖判百家斟酌六籍遠邁石渠美深白  
虎至如遵禮革俗之風昭文變性之化固以感彼禽魚穆茲  
寒暑況愚臣沐浴大和懷音正始而可不勉強難革之性砥  
礪木石之心哉誠知敏謝允南才非承祚然國志史考之美  
竊亦輒所庶幾始自景明之初搜集諸國舊史屬遷京甫爾  
率多分散求諸公私驅馳數歲又臣家貧祿微唯任孤力至  
于紙盡書寫所資每不周接暨正始元年寫乃向備謹于吏

案之暇草率搆此區分時事各繫本錄破彼異同凡爲一體約損煩文補其不足三豕五問之類一事異年之流皆稽以長厯考諸舊志刪正差謬定爲實錄商較大畧著春秋百篇至二年之末艸成九十五卷唯常璩所撰李雄父子據蜀時書尋訪不獲所以未及繕成輟筆私求七載于今此書本江南撰錄恐中國所無非臣私力所能終得其起兵僭號事之始末乃亦頗有但不得此書懼簡畧不成久思陳奏乞勅緣邊求採但愚賤無因不敢輕輒散騎常侍太常少卿荊州大中正臣趙邕忽宣明旨勅臣送呈不悟九臯微志乃得上聞奉敕欣惶欣懼兼至今謹以所訖者附臣邕呈奏臣又別作序例一卷年表一卷仰表皇朝統括大義俯明愚臣著錄微



體徒竊慕古人立言美意文致疏鄙無一可觀簡御之日伏  
深慚悸鴻意如此然自正光以前不敢顯行其書自後以其  
伯光貴重當朝知時人未能發明其事乃頗相傳讀亦以光  
故執事者遂不論之鴻經綜既廣多有違謬至于太祖天興  
二年姚興改號弘始而鴻以爲改在元年太宗永興二年慕  
容超禽于廣固鴻又以爲事在元年太常二年姚泓敗于長  
安鴻亦以爲滅在元年如此之失多不考正子子元祕書郎  
後永安中乃奏其父書稱臣亡考故散騎常侍給事黃門侍  
郎前將軍齊州大中正鴻不殞家風式繼世業古學克明在  
新必鏡多識前載博極羣書史才富洽號稱籍甚年止壯立  
便斐然懷著述意正始之末任屬記言撰緝餘暇乃刊著趙

燕秦夏西涼乞伏西蜀等遺載爲之贊序褒貶評論先朝之  
日艸構悉了惟有李雄蜀書搜索未獲闕茲一國遲留未成  
正光三年購訪始得討論適訖而先臣棄世凡十六國名爲  
春秋一百二卷近代之事最爲悉備未曾奏上弗敢宣流今  
繕寫一本敢以仰呈儻或淺陋不回睿賞乞藏秘閣以廣異  
家子元後謀反事發逃竄會赦免尋爲其叔鴟所殺

欽定四庫全書提要

史部載記類

十六國春秋一百卷

安徽巡撫採進本

舊本題魏崔鴻撰實則明嘉興屠喬孫項琳之僞本也  
鴻作十六國春秋一百二卷見魏書本傳隋志唐志皆  
著錄宋初李昉等作太平御覽猶引之崇文總目始佚  
其名晁陳諸家書目亦皆不載是亡于北宋也萬厯以  
後此本忽出莫知其所自來證以藝文類聚諸書所引  
一一相同遂行于世論者或疑鴻身仕北朝而仍用晉  
宋年號今考劉知幾史通探賾篇曰鴻書之紀綱皆以  
晉爲主亦猶班書之載吳項必繫漢年陳志之述孫劉  
皆宗魏世喬孫等正巧附斯義以售其欺所摘者未中

其疾惟魏書載鴻子子元奏稱刊著越燕秦夏梁蜀遺  
載爲之贊序而此本無贊序史通表厯篇稱晉氏播遷  
南據揚越魏宗勃起北雄燕代其間諸僞十有六家不  
附正朔自相君長崔鴻著表頗有甄明而此本無表是  
則檢閱偶疏失于彌縫耳然其文皆聯綴古書非由杜  
撰考十六國之事者固宜以是編爲總匯焉

十六國春秋總目

仁和 汪日桂 一之 重訂

卷第一

前趙錄一

卷第二

前趙錄二

卷第三

前趙錄三

卷第四

前趙錄四

卷第五

前趙錄五

卷第六

前趙錄六

卷第七

前趙錄七

卷第八

前趙錄八

卷第九

前趙錄九

卷第十

前趙錄十

卷第十一

後趙錄一

卷第十二

後趙錄二

卷第十三

後趙錄三

卷第十四

後趙錄四

卷第十五

後趙錄五

卷第十六

後趙錄六

卷第十七

後趙錄七

卷第十八

後趙錄八

卷第十九

後趙錄九

卷第二十

後趙錄十

卷第二十一

後趙錄十一



卷第二十二

卷後趙錄十二

卷第二十三

卷前燕錄一

卷第二十四

卷前燕錄二

卷第二十五

卷前燕錄三

卷第二十六

卷前燕錄四

卷第二十七

前燕錄五

卷第二十八

前燕錄六

卷第二十九

前燕錄七

卷第三十

前燕錄八

卷第三十一

前燕錄九

卷第三十二

前燕錄十

卷第三十三

前秦錄二

卷第三十四

前秦錄二

卷第三十五

前秦錄三

卷第三十六

前秦錄四

卷第三十七

前秦錄五

卷第三十八

前秦錄六

卷第三十九

前秦錄七

卷第四十

前秦錄八

卷第四十一

前秦錄九

卷第四十二

前秦錄十

卷第四十三

後燕錄一

卷第四十四

後燕錄二

卷第四十五

後燕錄三

卷第四十六

後燕錄四

卷第四十七

後燕錄五

卷第四十八

後燕錄六

卷第四十九

後燕錄七

卷第五十

後燕錄八

卷第五十一

後燕錄九

卷第五十二

後燕錄十

卷第五十三

後秦錄一

卷第五十四

後秦錄二

卷第五十五

後秦錄三

卷第五十六

後秦錄四

卷第五十七

後秦錄五

卷第五十八

後秦錄六

卷第五十九

後秦錄七

卷第六十

後燕錄八

卷第六十一

後秦錄九

卷第六十二

後秦錄十

卷第六十三

南燕錄一

卷第六十四

南燕錄二

卷第六十五

南燕錄三



卷第六十六

卷夏錄一六

卷第六十七

卷夏錄一七

卷第六十八

卷夏錄一八

卷第六十九

卷夏錄一九

卷第七十

卷前涼錄二

卷第七十一

前涼錄二

卷第七十二

前涼錄三

卷第七十三

前涼錄四

卷第七十四

前涼錄五

卷第七十五

前涼錄六

卷第七十六

蜀錄一

卷第七十七

蜀錄二

卷第七十八

蜀錄三

卷第七十九

蜀錄四

卷第八十

蜀錄五

卷第八十一

後涼錄一

卷第八十二

後涼錄二

卷第八十三

後涼錄三

卷第八十四

後涼錄四

卷第八十五

西秦錄一

卷第八十六

西秦錄二

卷第八十七

西秦錄三

卷第八十八

南涼錄一

卷第八十九

南涼錄二

卷第九十

南涼錄三

卷第九十一

西涼錄一

卷第九十二

西涼錄二

卷第九十三

西涼錄三

卷第九十四

北涼錄一

卷第九十五

北涼錄二

卷第九十六

北涼錄三

卷第九十七

北涼錄四

卷第九十八

北燕錄一

卷第九十九

北燕錄二

卷第一百

北燕錄三

十六國春秋總目終



十六國春秋前趙錄目

仁和 汪日桂 一之 重訂

前趙錄一

春秋卷第一

劉淵

劉和

前趙錄二

春秋卷第二

劉聰上

前趙錄三

春秋卷第三

劉聰中

前趙錄四

春秋卷第四

劉聰下

劉粲

前趙錄五

春秋卷第五

劉曜上

前趙錄六

春秋卷第六

劉曜中

前趙錄七

春秋卷第七

劉曜下

前趙錄八

春秋卷第八

劉宣

劉盛

劉翼

劉盾

淵后單氏

聰后呼延氏

聰后劉氏

聰后羊氏

曜后劉氏

曜后劉氏

前趙錄九

春秋卷第九

王彌

劉靈

張嵩

劉殷

王延

陳元達

王廣

卜珣

趙染

范隆

崔遊

韋忠

董景道

王育

劉敏元

杜育

前趙錄十

春秋卷第十

郭汜

李景年

王延年

王雋

喬智明

喬晞

陳安

張寔

卜崇

呼延寔

魯憑

崔岳

田崧

游子遠

傅虎

臺產

陝婦人

前趙錄目終示

十六國春秋後趙錄目

野斷錄

仁和 汪日桂 一之 重訂

後趙錄一

春秋卷第十一

石勒上

後趙錄二

春秋卷第十二

石勒中

後趙錄三

春秋卷第十三

石勒下

後趙錄四

春秋卷第十四

石弘

後趙錄五

春秋卷第十五

石虎上

後趙錄六

春秋卷第十六

石虎中

後趙錄七

春秋卷第十七

石虎下

後趙錄八

春秋卷第十八

石世

石遵

石鑿

後趙錄九

春秋卷第十九

石閔

春秋卷第二十



後趙錄十

春秋卷第二十一

石肇

石堪

石生

石聰

石邃

石斌

石樸

勒母王氏

勒后劉氏

虎妻鄭氏

虎妾陳氏

後趙錄十一

春秋卷第二十一

佛圖澄

單道開

道進

麻襦

徐忬

後趙錄十二

春秋卷第二十二

張賓

郭敬

汲桑

徐光

王洛生

李陽

張越

王謨

樊坦

徐龕

桃豹

張樓

魏豹

張彌

張謐

裴憲

傅暢

續咸

盧諶

張躍

薛閭訓

邴輔

申錄

周延

韋謏

邢嘏

宣咸

郭穆

沐堅

張進

趙明

孟卓

劉羣

王安

陳武

劉光

解飛

孫輝

郭權

麻秋

張才

蔡裔

後趙錄目終

十六國春秋前燕錄目

仁和 汪日桂 一之 重訂

前燕錄一

春秋卷第二十三

慕容廆

前燕錄二

春秋卷第二十四

慕容皝上

前燕錄三

春秋卷第二十五

慕容皝下

前燕錄四

春秋卷第二十六

慕容儁上

前燕錄五

春秋卷第二十七

慕容儁下

前燕錄六

春秋卷第二十八

慕容暉上

前燕錄七

春秋卷第二十九

慕容暉下

前燕錄八

春秋卷第三十

吐谷渾

慕容翰

慕容仁

慕容恪

文明段氏



景昭可足渾氏

前燕錄九

春秋卷第三十一

裴嶷 開

游邃

高瞻 開 商

劉瓚

陽裕

陽鶩

封奕

宋該

韓恆

鮮于亮

高詡

乙逸

鞠殷

張鴻

侯青

韓宰

張怖

成公都

前燕錄十

春秋卷第三十二

李產續

黃泓

賈堅

慕輿根

李洪

悅綰

皇甫眞

梁琛

公孫鳳

公孫永

王歡

悉羅騰

十一國看和

安屈

劉洛

前燕錄目終

十六國春秋前秦錄目

仁和 汪日桂 一之 重訂

前秦錄一

春秋卷第三十三

前苻洪

前秦錄二

春秋卷第三十四

前苻健

前秦錄三

春秋卷第三十五

苻生

前秦錄四

春秋卷第三十六

苻堅上

前秦錄五

春秋卷第三十七

苻堅中

前秦錄六

春秋卷第三十八

苻堅下

前秦錄七

春秋卷第三十九

苻丕

前秦錄八

春秋卷第四十

苻登

前秦錄九

春秋卷第四十一

苻雄

苻菁

苻黃眉

苻法

苻融

苻朗

苻宏

苻暉

苻琳

苻詵

苻雅

苻洛

健后疆氏

生后梁氏

堅太后荀氏

堅夫人張氏

丕后楊氏

登后毛氏

前秦錄十

春秋卷第四十二

趙俱

雷弱見

魚遵

王墮

彊平

趙煥



杜慈

呂婆樓

樊世

王猛

梁平老

梁讜

陸績

鄧羌

張平

張蚝

李威

徐蒿

薛强

崔宏

姜宇

索泮

楊安

楊定

高泰

趙整

朱彤

王嘉

張忠

法喜

曇邕

僧朗

孟欽

僧涉公

徐義

釋道安

畢覽

桑虞

王充

荀輔

竇衝

王永

徐成

郭慶

王統

長孫嵩

夏默

許謙

裴洗

韋顯

杜胄

寇修之

何熙仲

竇滔妻蘇氏

韋逞母宋氏

前秦錄目終

十六國春秋後燕錄目

慕容興

仁和 汪日桂 一之 重訂

後燕錄一

春秋卷第四十三

慕容垂上

後燕錄二

春秋卷第四十四

慕容垂中

後燕錄三

春秋卷第四十五

慕容垂下

後燕錄四

春秋卷第四十六

慕容寶

後燕錄五

春秋卷第四十七

慕容盛

後燕錄六

春秋卷第四十八

慕容熙

後燕錄七

春秋卷第四十九

慕容雲

後燕錄八

春秋卷第五十

慕容永

慕容令

慕容麟

慕容農

十六國慕容隆



慕容鳳

慕容温

慕容楷

慕容紹

慕容會

慕容懿

後燕錄九

春秋卷第五十一

垂后先段氏

垂后後段氏

寶后段氏

盛妃蘭氏

獻莊太妃丁氏

熙昭儀大苻氏

熙后小苻氏

後燕錄十

春秋卷第五十二

光祚

趙秋

睦邃

高展

高湖  
恆韜

崔蔭

崔暹

崔模

崔懿

封懿

封愷

封衡

宗隱

趙思

李系

李先

屈遵

賈葵

張蒲

餘崇

平視

鄭裕

呂顯

宇文活撥

谷充

酈紹

盧偃

盧晏

仇款

韋閻

晁崇

段乾

公孫表

劉生

房謙

王憲

張珍

楊結

許茂

王高

陳羽

盧副鳩

房堪

後燕錄目終

十六國春秋後秦錄目

仁和 汪日桂 一之 重訂

後秦錄一

春秋卷第五十三

姚弋仲

後秦錄二

春秋卷第五十四

姚襄

後秦錄三

春秋卷第五十五

姚萇

後秦錄四

春秋卷第五十六

姚興上

後秦錄五

春秋卷第五十七

姚興中

後秦錄六

春秋卷第五十八

姚興下

後秦錄七

春秋卷第五十九

姚泓

後秦錄八

春秋卷第六十

姚嵩

姚緒

姚頌德

姚紹

姚顯



姚冲

姚詳

姚豈

姚和都

姚晃

太后蛇氏

興后張氏

興后齊氏

後秦錄九

吉成說

尹緯

春秋卷第六十一

趙遷

薛辦

胡辦

索盧曜

王奚

狄伯奇

梁國兒

王滿聰

司馬休之

韓延之

索稜

苟和

趙玄

孫讚

徐眾

後秦錄十

春秋卷第六十二

鳩摩羅什

道恆道標

僧肇

道融

佛陀耶舍

曇無成

道碧

僧巖

覺賢

法明

弗若多羅

法羽

法智

賀僧

後秦錄目終

十六國春秋南燕錄目

仁和 汪目桂 一之 重訂

南燕錄一

春秋卷第六十三

慕容德

南燕錄二

春秋卷第六十四

慕容超

南燕錄三

春秋卷第六十五

慕容鍾

封孚

封嵩

杜弘

王始

張瑛

王鸞

龐世

桓敞

張華

張恂

劉昶

傅融

李根

王牢

張幸

冷平

高軌

王景暉

慕容氏

南燕錄目錄



十六國春秋夏錄目

仁和 汪日桂 一之 重訂

夏錄一

春秋卷第六十六

赫連勃勃

夏錄二

春秋卷第六十七

赫連昌

夏錄三

春秋卷第六十八

赫連定

夏錄四

春秋卷第六十九

胡義周

王買德

趙逸

韋祖思

張淵

吐谷渾拾寅

胡淵

費峻

韓者

夏錄目終

十六國春秋前涼錄目

仁和 汪日桂 一之 重訂

前涼錄一

春秋卷第七十

張軌

前涼錄二

春秋卷第七十一

張寔

張茂

前涼錄三

春秋卷第七十二

張駿

前涼錄四

春秋卷第七十三

張重華

張靈耀

張祚

前涼錄五

春秋卷第七十四

張玄靚

張天錫

前涼錄六

春秋卷第七十五

張肅

張瓘

嚴氏

馬氏

閻氏薛氏

宋配

宋混

宋澄

宋矩

宋纖

汜瑗

汜勝

汜禕

汜昭

辛攀

辛憑

辛理

江瓊

王橫

張世度

索孚

索襲

索丞

索苞

索統

索綏

索克

陰澹

張諮

張斌

張植

李弁

常據

馬岌

張沖

童巽

車濟

謝艾

張頌

郭荷

邢嘉

前涼錄目終



十六國春秋蜀錄目

仁和 汪日桂 一之 重訂

蜀錄一

春秋卷第七十六

李特

蜀錄二

春秋卷第七十七

李流

李雄

蜀錄三

春秋卷第七十八

李班

李期

李壽

李勢

蜀錄四

春秋卷第七十九

李輔

李庠

李驥

李蕩

李始

李含  
稚珩

李安

李離

特妻羅氏

雄妻任氏

壽妻閻氏

蜀錄五

春秋卷第八十

閻彧

尹奉

王載

李釗

范長生  
賁

楊褒

譙秀

龔壯

張寶

李洪

李高

劉玄

蜀錄目終

十六國春秋後涼錄目

仁和 汪日桂 一之 重訂

後涼錄一

春秋卷第八十一

呂光

後涼錄二

春秋卷第八十二

呂紹

呂纂

後涼錄三

春秋卷第八十三

呂隆

後涼錄四

春秋卷第八十四

呂緯

呂訓

光妻石氏

纂妻楊氏

紹美人張氏

呂憲妻苻氏

郭磨

杜進

張資

任射

竇苟

侯瑾

齊從

宋歆

宗燮

宋  
知

後涼錄目終



十六國春秋西秦錄目

仁和 汪日桂 一之 重訂

西秦錄一

秦秋卷第八十五

乞伏國仁

乞伏乾歸

附

西秦錄二

春秋卷第八十六

乞伏熾磐

乞伏暮末

西秦錄三

春秋卷第八十七

乞伏益州

乞伏曇達

邊氏

禿髮氏

禿髮氏

段暉

常坦

翟璠

焦遺  
華楷

辛進

西秦錄目終  
西秦錄目

仁曰 五月廿一日 重信

春秋水滸八十五

十六國春秋南涼錄目

仁和 汪日桂 一之 重訂

南涼錄一

春秋卷第八十八

禿髮烏孤

禿髮利鹿孤

南涼錄二

春秋卷第八十九

禿髮傉檀

南涼錄三

春秋卷第九十

禿髮文支

禿髮樊尼

禿髮破羌

傳檀妻折掘氏

楊桓

宗敞

孟禕

雲霍

景保

陰利鹿

尉賢政

十六國春秋西涼錄目

仁和 汪日桂 一之 重訂

西涼錄一

春秋卷第九十一

李暘

西涼錄二

春秋卷第九十二

李歆

西涼錄三

春秋卷第九十三

李恂

李翻

暘妻尹氏

宋繇

劉昫

唐繇

辛淵

陰仲達

百官錄

卷之十一

行略 孫田 卷之十一

四涼錄目終 四涼錄目

十六國春秋北涼錄目

仁和 汪日桂 一之 重訂

北涼錄一

春秋卷第九十四

沮渠蒙遜

北涼錄二

春秋卷第九十五

沮渠茂虔

北涼錄三

春秋卷第九十六

沮渠無諱

沮渠宜得

沮渠安周

沮渠唐兒

沮渠天周

沮渠萬年

沮渠秉

沮渠安陽侯

蒙遜母車氏

蒙遜妻孟氏

茂虔妻拓跋氏

北涼錄四

春秋卷第九十七

曇無讖

道進

馬權



梁中庸

張穆

張譚

隗仁

劉昞

張湛

鬪駟

胡叟

宗欽

趙柔

孫通

王楞

索敞

陰興

鹿壽興

趙馭

北涼錄目終

十六國春秋北燕錄目

仁和 汪日桂 一之 重訂

北燕錄一

春秋卷第九十八

馮跋

北燕錄二

春秋卷第九十九

馮弘

北燕錄三

春秋卷第一百終

馮素弗

馮萬泥

馮乳陳

馮崇

馬弗勒

孫護

姚昭

蜎蠕斛律

務銀提

竇表

李崇

游幼

高策

孫敬仁

十六國春秋一百卷共五百五十四人

北燕錄目終

前趙錄一

春秋卷第一

魏散騎常侍 崔鴻撰

劉淵

劉淵字元海新興匈奴中人先夏后氏之苗裔曰淳維世居北狄千有餘歲至冒頓襲破東胡西走月氏降服丁零內侵燕代控弦之士四十餘萬漢祖患之使劉敬奉公主以妻冒頓約爲兄弟故子孫遂冒母姓爲劉氏建武初烏珠留若鞮單于子右奧鞬日逐王比自立爲南單于入居西河美稷今離石左國城卽單于所徙庭也後漢中平中詔發南匈奴兵配幽州牧劉虞討漁陽叛寇張純單于羌渠遣子左賢王于扶羅將騎詣幽州國人恐發兵無已于是右部醯落反與屠

各胡合凡十餘萬人攻殺羌渠而于扶羅以其眾留漢遂自立爲持至尸逐侯單于屬董卓作亂寇掠太原河東屯于河內于扶羅死弟呼廚泉立以于扶羅子豹爲左賢王豹卽淵之父也建安末呼廚泉入朝于魏魏武因留之于鄴使右賢王去卑監其國單于歲給綿絹錢穀如列侯子孫傳襲其號乃分其眾爲五部以豹爲左部帥其餘部帥皆以劉氏爲之左部居太原茲氏右部居祁南部居蒲子北部居新興中部居大陵雖分屬五部然皆家于晉陽汾澗之濱與中國民雜居因選漢人爲司馬以監督之豹妻呼延氏魏嘉平中祈子于龍門有一白魚一作大魚頂有一角或作二角軒髻躍鱗至于祭所久之乃去巫覡皆異之曰此嘉祥也其夜夢所見魚變爲人

左手持一物大如雞子光景非常授呼延氏曰此是日精服  
之生貴子寤以告豹豹曰吉徵也吾昔從邯鄲張罔母司徒  
氏相云吾當有貴子孫三世必大昌彷彿相符矣自是十五  
月一作十月而生淵淵生左手有文曰淵海遂以爲名齷齪英

慧七歲遭母喪號咷擗踊哀感旁人宗族部落咸共歎賞

一作

義時司空太原王昶等聞而嘉之竝遣弔賻幼而好學不舍

晝夜誦事上黨崔遊習毛詩京氏易馬氏尙書尤好春秋左  
氏傳孫吳兵法畧皆誦之史漢諸子無不綜覽嘗謂同門生

朱紀范隆等曰吾每觀書傳嘗恥隨陸無武絳灌無文道由  
人弘一物之不知固君子恥之也二生遇高皇不能建封侯  
之業兩公屬文帝不能興庠序之美豈不惜哉于是文學武



事竝皆工絕

一作遂學武事妙絕于時

及長猿臂善射膂力過人姿儀魁

偉身長八尺四寸鬚

一作髯

長三尺餘當心有赤毫毛三根長

三尺六寸屯留

後作上黨

崔懿之襄陵公師曷等皆善相人及見

淵驚而相謂曰此人形貌非常吾所未見也于是深相崇敬

推分結恩咸熙中淵爲侍子在洛陽與東萊王彌憑結太原

王渾渾虛襟友之命子濟拜焉文帝亦深待之泰始之後渾

屢言之于武帝帝召與語悅之謂王濟曰劉淵容貌風儀機

談鑒智雖由余日禪無以過也濟對曰淵容儀機鑒實如聖

旨然其文武才幹賢于二子遠矣陛下若任以東南之事吳

會不足平也帝稱善孔恂楊珧

駿之弟也

進曰吾觀劉淵之才當

今恐無其比陛下若輕其眾不足以集事若假之威權平吳

之後恐其不復北渡也非我族類其心必異任之以本部臣  
竊爲陛下寒心若舉天阻之固以資之無乃不可乎帝默然  
及秦涼覆沒帝問將于上黨李熹熹曰陛下誠能發匈奴五  
部之眾假劉淵一將軍之號使將之而西樹機能之首可指  
期而梟也孔恂曰李公之言未盡殄患之理也熹勃然曰夫  
以匈奴之勁悍劉淵之曉兵奉宣聖威何不盡之有恂曰淵  
果能平涼州斬樹機能則涼州之難方更深耳蛟龍得雲雨  
非復池中物也帝乃止後王彌從洛陽東歸與淵言別淵餞  
之九曲之濱泣謂彌曰王渾李熹以鄉曲見知每相稱薦一作

達

讒間因之而進深非吾願適足爲吾患耳因獻欲流涕時

齊王司馬攸在九曲比聞而馳遣視之見淵在焉言于帝曰

陛下不除劉淵臣恐并州不得久安王渾曰淵乃長者臣請  
爲陛下保明之且大晉方以信懷殊俗奈何以無形之疑殺  
人侍子乎何德度之不弘也帝曰渾言是也會父豹卒遂以  
淵代爲左部帥太康末改帥爲都尉拜爲匈奴北部都尉淵  
明刑法禁姦邪輕財好施推誠接物五部豪傑無不歸之幽  
冀名儒後門一作侯門秀士不遠千里亦皆遊焉永熙元年冬十

月楊駿輔政以淵爲建威將軍匈奴五部大都督封漢光鄉  
侯元康末坐部人叛出塞免官永寧初成都王司馬穎鎮鄴  
表淵行寧朔將軍監五部軍事使將兵在鄴以淵子聰爲積  
弩將軍太安中惠帝失御齊王冏長沙王乂與成都王穎等  
迭相殘廢州郡姦豪所在蜂起淵從祖故北部都尉右賢王

劉宣等與族人竊議曰昔我先人與漢約爲兄弟憂泰同之  
自漢亡以來魏晉代興我單于徒有虛號無復尺土自諸王  
侯降同編戶今吾眾雖衰猶不減二萬奈何歛手受役奄過  
百年左賢王淵姿器絕人幹宇超世天若不欲恢崇單于必  
不虛生此人也況司馬氏骨肉相殘四海鼎沸復呼韓邪之  
業此其時矣乃相與起兵于離石共推淵爲大單于淵時在  
鄴遂使其黨呼延攸詣鄴以謀告之淵白穎請歸會葬穎弗  
許淵令攸先歸告宣等使招集五部引會宜陽諸胡聲言應  
穎實欲叛之及穎爲皇太弟以淵爲太弟屯騎校尉惠帝伐  
穎次于蕩陰穎假淵輔國將軍都督北城守事及六軍敗績  
穎復以淵爲冠軍將軍封盧奴伯旣而并州刺史東瀛公騰

安北將軍幽州刺史王浚遣烏桓騎攻頴于鄴頴師戰敗淵  
說頴曰今二鎮跋扈眾十餘萬恐非宿衛及近郡士民所能  
禦也淵請爲殿下遣說五部鳩合義眾以赴國難頴曰五部  
之眾果可保發不縱能發之鮮卑烏丸勁速如風雲何易可  
當邪吾欲奉乘輿還洛陽避其鋒銳徐傳檄天下以順逆制  
之君意何如淵曰殿下武皇帝之子有大勳于王室威惠光  
洽四海欽風孰不願爲殿下盡死力者何難發之有王浚豎  
子東瀛疏屬豈能與殿下爭衡邪殿下發鄴宮示弱于人  
洛陽可復至乎縱至洛陽威權不復在殿下也紙檄尺書誰  
爲人奉之且東胡之悍不踰五部願殿下撫勉士眾靖以鎮  
之淵請爲殿下以一部摧東瀛三部梟王浚二豎之首可指

日而懸矣。穎大悅，拜淵爲北單于參丞相軍事。時穎振武將軍王育說穎曰：「劉淵今去育請爲殿，下促之不然，懼不復至也。」穎然之，以育爲破虜將軍使追之。淵遂拘育以爲右光祿大夫。淵至左國城，右賢王劉宣等上大單于之號。二旬之間，有衆五萬，都于離石。以子聰爲鹿蠡王，遣左于陸王劉宏率精騎五千會穎將王粹，拒東瀛公騰。粹已爲騰所敗，宏無及而歸。王浚使將軍祈弘率鮮卑攻鄴，穎敗，挾天子南奔洛陽。東瀛公騰乞師于魏桓帝。姓拓跋諱猗，也時爲代公。以擊淵。桓帝與弟穆帝諱猗合兵擊淵于西河，上黨大破之。與騰盟于汾東而還。桓帝使輔相衛雄段繁于參合陂西累石爲亭，樹碑以紀行焉。淵聞穎去，鄴歎曰：「不用吾言，逆自奔潰，眞奴才也。然吾與

之有言矣不可以不救于是命右于陸王劉景左獨鹿王劉  
延年等率步騎二萬討鮮卑烏丸宣等固諫曰晉人無道奴  
隸御我是以右賢王猛不勝其憤屬晉綱未弛大事不遂右  
賢塗地單于之恥也今司馬氏父子兄弟自相魚肉此天厭  
晉德授之于我單于積德在躬爲晉人所服方當興我邦族  
復呼韓邪之業鮮卑烏丸我之氣類可以爲援奈何拒之而  
拯仇逆今天假手于我不可違也違天不祥逆眾不濟天與  
不取反受其咎願單于勿疑淵曰善當爲崇岡峻阜何能爲  
培塿乎夫帝王豈有常哉大禹生于西戎文王生于東夷顧  
惟德所授耳今見眾十萬皆一當晉十鼓行而摧亂晉如拉  
枯耳上可成漢高之業下不失爲魏武何呼韓邪足道哉雖

然晉人未必同我漢有天下世長恩德結于民心是以昭烈  
崎嶇于一州之地而能抗衡于天下吾又漢氏之甥約爲兄  
弟兄亡弟紹不亦可乎今且可稱漢追尊後主以懷民望宜  
等稽首曰非所及也乃遷都于左國城胡晉歸附者數萬

元熙元年冬十月宣等上尊號淵曰今晉氏猶存四方未定  
可仰尊高祖法且稱漢王權停皇帝之號待宇宙混一當更  
議之乃爲壇于南郊僭卽漢王位下令曰昔我太祖高皇帝  
以神武應期廓開大業太宗孝文皇帝重以明德昇平漢道  
世宗孝武皇帝拓土攘夷地過唐日中宗孝宣皇帝搜揚雋  
乂多士盈朝是我祖宗道邁三王功高五帝故卜年倍于夏  
商卜世過于姬氏而元成多僻哀平短祚賊臣王莽滔天篡



逆我世祖光武皇帝誕資聖武恢復鴻基祀漢配天不失舊

物俾三光晦而復明神器幽而復顯顯宗孝明皇帝肅宗孝

章皇帝累葉重暉炎光再闡自和安已後皇綱漸頽天步艱

難國統頻絕黃巾海沸于神州一作人州羣闇毒流于四海董卓

因之肆其狂勃曹操父子凶逆相尋故孝愍委棄萬乘一作國

昭烈播越岷蜀冀否終有泰旋軫舊京何圖天未悔禍後帝

窘辱自社稷淪喪宗廟之不血食四十年于茲矣今天誘其

衷悔禍皇漢使司馬氏父子兄弟迭相殘滅黎庶塗炭靡所

控訴一作告孤今猥為羣公所推紹修三祖之業顧茲阡閭戰

惶靡厝但以大恥未雪社稷無主銜胆棲冰勉從眾議乃赦

其境內遂以晉永興元年建元元熙國號曰漢追尊安樂公

禪爲孝懷皇帝立漢高祖以下三祖五宗神主而祭之立妻呼延氏爲王后署置百官以右賢王宜爲丞相崔遊爲御史大夫左于陸王宏爲太尉劉歡樂爲尙書令范隆爲大鴻臚朱紀爲太常上黨崔懿之後部陳元達皆爲黃門侍郎族子曜爲建武將軍右于陸王景爲前將軍其餘拜授各有差淵率眾攻東瀛公騰騰遣將軍聶玄擊之戰于大凌玄兵敗績騰懼帥并州二萬餘戶下山東淵遂所在爲寇攻擊郡縣騰復乞師于桓帝衛操勸桓帝助之桓帝率精騎數千救騰斬淵將綦母豚淵南走蒲子十二月淵遣建武將軍曜寇太原取泫氏屯留長子中都皆陷之又遣冠軍將軍喬晞攻西河取介休

元熙二年春東瀛公騰遣司馬瑜周良石鮮等討淵次于離石城淵遣武牙將軍劉欽等六軍拒之瑜等四戰皆敗欽振旅而歸是歲離石大饑遷于黎亭以就邸閣穀留太尉宏護軍將軍馬景守離石使大司農卜豫運糧給之

元熙三年冬十二月淵以前將軍景爲使持節征討大都督大將軍邀擊并州刺史劉琨于板橋爲琨所敗琨進據晉陽淵侍中劉殷右光祿大夫王育進諫曰殿下自起兵已來漸已一周而顓守偏方王威未震誠能命將四出決機一戰一作

擲梟劉琨定河東建帝號鼓行而南尅長安而都之以關中之眾席卷洛陽如指掌耳此高皇帝之所以創起鴻基尅殄疆楚者也淵悅曰此孤心也

元熙四年春三月淵侵汲郡畧有頓邱河內之地遂還離石  
與劉琨相去三百里琨密遣間其部雜虜降琨者萬餘戶落  
淵甚懼乃徙都蒲子河東平陽屬縣壘壁盡降時東萊王彌  
起兵青徐二州自稱征東大將軍攻殺二千石所在寇掠遣  
使來降淵拜彌鎮東大將軍青州刺史東萊郡公夏四月四  
部鮮卑陸逐延氐會大單徵及石勒等竝相次來降淵悉署  
其官爵

永鳳元年春正月淵遣撫軍將軍聰等十將南據太行輔漢  
將軍石勒等十將東下趙魏夏四月王彌帥眾寇掠青徐兗  
豫四州兗州刺史苟晞與之連戰不能克丁亥轉寇許昌太  
傅東海王越遣司馬王斌帥甲士五千人往衛京師五月彌

入自轅轅敗官軍于伊北壬戌進至洛陽屯于津陽門司徒  
王衍帥眾禦之甲子衍與王斌等出戰彌敗歸淵淵遣侍中  
御史大夫郊迎及至拜司隸校尉加侍中特進秋七月甲辰  
淵進據河東攻寇蒲阪平陽太守宋抽棄郡奔京師河東太  
守路述戰死八月鳳凰集于蒲子丞相宣等六十四人上尊  
號冬十月甲戌僭卽皇帝位于南郊大赦境內殊死已下改  
元永鳳仍稱國號曰漢時晉懷帝永嘉二年也十一月以世  
子和爲大將軍撫軍將軍聰爲車騎大將軍建武將軍曜爲  
龍驤大將軍十二月乙亥以大將軍和爲大司馬封梁王尙  
書令歡樂爲大司徒封陳留王后父御史大夫呼延翼爲大  
司空封雁門郡公聰爲楚王父爲北海王曜爲始安王景爲

汝陰王延年爲江都王洋爲長樂王賢爲曲陽王其餘宗室以親疏爲等悉封郡縣王異姓以勳謀爲差悉封郡縣公侯是年造刀一口長三尺九寸文曰滅賊隸書

河瑞元年春正月辛丑

晉志作庚子

朔熒惑犯紫微太史令宣于

修之言于淵曰陛下雖龍興鳳翔奄受大命然遺晉未殄皇居仄陋紫宮之變猶鍾晉氏不出三年必尅洛陽蒲子崎嶇難以久安平陽氣象方昌兼以陶唐舊都願陛下上迎乾象下協坤祥請徙都之于是遷都平陽二月晉左積弩將軍朱誕來奔具陳洛陽孤弱勸淵攻之淵以誕爲前鋒都督遣滅晉大將軍景爲大都督將兵攻洛陽

一作黎陽

晉遣車騎將軍王

堪將兵迎擊夏四月景敗堪于延津沈男女三萬餘人于河

澗淵聞之怒曰景何面目復見朕乎且天道豈能容之吾所欲除者止司馬氏耳細民何罪黜景爲平虜將軍淵以王彌爲侍中都督征東大將軍青州牧與楚王聰共攻上黨圍壺關以石勒爲前鋒都督晉并州刺史劉琨遣護軍黃肅韓述來救聰敗述于西澗勒敗肅于封田皆殺之晉太傅越遣淮南內史王曠將軍施融曹超等將兵拒聰曠旣濟河欲長驅而前融曰彼乘險間出我雖有百萬之眾猶是一軍獨受敵也且當阻水爲固以量勢形然後圖之曠怒曰君欲沮眾邪融退曰彼善于用兵曠闇于事勢吾屬今必死矣曠等踰太行與聰遇戰于長平間曠兵大敗融超皆死遂破陳留長子斬獲萬九千級上黨太守龐涪以壺關降五月汾水中得玉

璽高一寸二分方四寸文曰有新保之

一作寶

蓋王莽時物也

得者因增淵海光三字而獻之淵以爲己瑞乃大赦境內改  
元河瑞封子裕爲齊王隆爲魯王秋八月淵復遣楚王聰及  
征東大將軍王彌進攻洛陽始安王曜與趙固等爲之後繼  
九月丙寅聰圍浚儀晉太傅越遣平北將軍曹武征虜將軍  
宋抽將軍彭默等拒之丁丑爲聰所敗太傅越入保京城聰  
等長驅至西明門越率兵御之戰于宣陽門外大破之晉征  
西大將軍南陽王司馬模

一作平昌公

遣將軍淳于定呂毅等破

劉芒蕩五斗叟竝斬之又遣車騎將軍王堪平北將軍曹武  
自長安討聰堪等敗績奔還京師聰自恃連勝怠不設備弘  
農太守垣延詐降夜襲聰軍聰大敗而還淵素服迎師冬十



月復大發卒遣楚王聰始安王曜汝陰王景征東大將軍王  
彌等帥精騎五萬寇洛陽使大司空雁門剛穆公呼延翼率  
步騎繼之丙辰聰等至宜陽朝廷以漢兵新敗不意其復至  
大懼辛酉聰進屯西明門護軍賈胤北宮純等夜帥勇士千  
餘人薄之戰于大夏門斬聰征虜將軍呼延顥聰眾遂潰壬  
戌迴軍屯洛水尋進屯宣陽門曜屯上東門彌屯廣陽門景  
攻大夏門乙丑呼延翼爲其部下所殺眾自大陽潰歸淵勅  
聰等還師聰表稱晉兵微弱不可以翼顥死故還師固請留  
攻洛陽淵許之戊寅聰親所嵩嶽山令平晉將軍安陽哀王  
厲冠軍將軍呼延朗等督攝留軍晉太傅越遣參軍孫詢將  
軍邱光樓哀等率帳下勁卒三千自宣陽門乘虛出擊斬朗

于陳聰聞而馳還厲懼聰之罪己也赴水而死王彌謂聰曰  
今軍既失利洛陽守備猶固運軍在陝糧食不支數日殿下  
不如與龍驤還平陽裹糧發卒徐爲後舉下官當于兗豫之  
間收兵積穀伏聽嚴期不亦可乎聰自以請留未敢擅還宣  
于修之言于淵曰歲在辛未乃得洛陽今晉氣猶盛大軍不  
歸必敗淵馳遣黃門郎傅詢召聰等還師十一月甲申楚王  
聰始安王曜歸于平陽王彌出師輾轉流民之在潁川襄城  
汝南南陽河南者數萬家素爲居民所苦皆燒城邑殺二千  
石長吏以應彌乞活帥李憚薄盛等帥眾衛京師遂追擊彌  
戰于新汲彌師敗績于是攝蒲阪之戍還于平陽十二月淵  
以陳留王歡樂爲太傅楚王聰爲大司徒江都王延年爲大

十六國春秋卷一  
司空長樂王洋爲大司馬遣都護大將軍曲陽王賢與征北  
大將軍劉靈及安北大將軍趙固平北大將軍王桑東屯內  
黃王彌表左長史曹疑行安東將軍東徇青州且迎其家屬  
淵許之

河瑞二年春正月乙丑朔大赦境內立單徵女爲皇后梁王  
和爲皇太子封子乂爲北海王遣兵分寇徐冀兗豫諸郡又  
遣曹疑寇東平琅邪夏四月王浚遣天水將軍祁弘擊破劉  
靈于廣宗殺之秋七月楚王聰始安王曜平東大將軍石勒  
及安北大將軍趙固圍河內太守裴整于懷晉遣征虜將軍  
宋抽率兵救懷勒與平北大將軍王桑逆擊破之河內人執  
整以降淵以整爲尙書左丞河內督將郭默收整餘眾自爲

塢主庚午淵寢疾將爲顧託之計辛未以陳劉王歡樂爲太宰長樂王洋爲太傅江都王延年爲太保楚王聰爲大司馬大單于竝錄尚書事置單于臺于平陽西復以齊王裕爲大司徒魯王隆爲尚書令北海王乂爲撫軍大將軍領司隸校尉始安王曜爲征討大都督領單于左輔廷尉喬智明爲冠軍大將軍領單于右輔左光祿大夫劉殷爲左僕射右光祿大夫王育爲右僕射任顓爲吏部尚書朱紀爲中書監護軍馬景領左衛將軍永安王安國領右衛將軍安昌王盛安邑王欽西陽王璿等皆領武衛將軍分典禁兵丁丑召太宰歡樂等入禁中受遺詔輔政己卯薨于光極殿時晉永嘉四年也淵在位七年太子和嗣立呼延攸等恨不參顧命乃謀殺

聰聰自西明門斬和于西室九月辛未葬淵于永光陵諡曰  
光文皇帝廟號高祖

劉和

劉和字玄泰淵后呼延氏所生聰第四弟也身長八尺雄毅

美姿儀好學夙成習毛詩左氏春秋鄭氏易及爲儲貳內多

猜忌馭下無恩淵死嗣僞位宗正呼延攸

翼之子也

淵以其無才

行終身不遷官侍中劉乘素不善于聰衛尉西昌王銳恨不  
參顧命乃相與謀說和曰先帝不惟輕重之勢而使三王總  
強兵于內大司馬握十萬勁卒屯于近郊陛下今便爲寄主  
耳禍難未可測也願蚤爲之計和卽攸之甥也遂深然之辛  
巳夜召領武衛將軍安昌王盛安邑王欽及領左衛將軍馬

景等告之盛曰先帝尙在殯宮四王未有逆節今忽一旦自相魚肉臣恐人不食陛下之餘且四海未定大業甫爾願陛下以上成先帝鴻基爲志塞耳勿聽讒夫之言以疑兄弟詩云豈無他人不如我同父陛下旣不信諸弟他人誰足信哉銳攸怒之曰今日之議理無有二領軍是何言乎于是命左右刃之盛旣被殺欽懼曰惟陛下詔臣等以死奉之蔑不濟矣相與盟于東堂壬午銳帥馬景攻楚王聰于單于臺攸率右衛將軍永安王安國攻齊王裕于司徒府侍中乘率武衛將軍安邑王欽攻魯王隆使尙書田密武衛將軍西陽王璿攻北海王乂密璿等挾乂斬關奔聰聰命貫甲以待之銳旣知聰之有備馳還與攸乘等會攻隆裕復懼安國欽有異志

殺之是日斬裕癸未斬隆甲申聰攻西明門克之銳等奔入  
南宮前鋒隨之乙酉殺和于光極西室收銳攸乘梟首通衢

前趙錄三

魏國散騎常侍崔鴻撰

劉聰上

劉聰字玄明一名載淵第四子也母張氏懷聰在孕夢日入懷寤以告淵淵曰此吉徵也慎勿言自是十五月而生聰夜有日一作白光之異形體非常左耳有一白毫長二尺餘甚光

澤幼而敏悟好學博士朱紀大奇之年十四究通經書百家之言孫吳兵法靡不誦之工草隸書尤善屬文著述懷詩百餘篇賦頌五十餘篇十五習擊刺猿臂善射彎弓三百斤膂力驍捷冠絕一時太原王渾見而悅之謂淵曰此兒吾所不能測也弱冠遊於京師當時名士莫不交結樂廣張華尤器



異之晉新興太守郭熙

頤一作頤

辟爲主簿任以郡事舉良將入

爲驍騎別部司馬齊王司馬罔以爲國中尉出爲左部司馬

尋遷右部都尉善于撫綏五部豪右無不歸之太宰河間王

司馬顒表爲赤沙中郎將聰以淵在鄴懼爲成都王司馬穎

所害乃亡奔穎穎甚悅拜爲積弩將軍叅前鋒戰事淵爲北

單于立爲右賢王隨遣右部及卽大單于位更拜鹿蠡王淵

稱大號拜大司馬徙封楚王淵死子和嗣立西昌王銳帥馬

景攻聰于單于臺聰貫甲以待之銳等馳入南宮乃追殺和

及銳等羣臣勸聰卽尊位聰以北海王又皇后單氏之子也

以位讓之又與公卿涕泣固請聰久而許之曰又及羣公正

以四海未定禍難尙殷貪孤年長故耳此國家之事孤何敢

辭今便欲遣遵魯隱侯父年長當以大業歸之

載記云待父年長復子明

辟

光興元年秋聰僭卽皇帝位于光極前殿大赦境內殊死已下改元光興尊母單氏爲皇太后母張氏爲帝太后以父爲帝太弟領大單于大司徒立妻呼延氏爲皇后封子粲爲河內王署使持節撫軍大將軍都督中外諸軍事易爲河間王翼爲彭城王悝爲高平王遣使拜蒲洪平遣將軍以石勒爲并州刺史封汲郡公餘悉如故冬十月遣河內王粲及征東大將軍王彌龍驤將軍曜等帥眾四萬長驅入洛川遂出轅轅掠梁陳汝潁間陷壘壁百餘時匈奴劉虎居朔方肆盧川自號鐵弗氏與白部鮮卑帥眾來附聰以虎爲宗室封樓煩

公十一月聰自以越次而立忌其嫡兄恭因恭寢穴其壁間刺而殺之以司空景爲大司馬左僕射劉殷爲大司徒右僕射王育爲大司空十二月僞太后單氏卒尊母張氏爲皇太后單后卽父之母也年少美色聰蒸焉父屢言之單后慚恚而死聰後知其故父寵因是漸衰然猶追念單氏未便廢斥聰后呼延氏屢以爲言于是相圖之計起矣父舅光祿大夫單冲泣謂父曰疏不問親主上有意于河內王久矣殿下何不避之父曰河瑞之末主上自惟嫡庶之分以大位讓父父以主上齒長故相推奉天下者高祖之天下兄終弟及何爲不可粲兄弟旣壯猶今日也且子弟之間親疏詎幾主上寧可有此意乎聰安北大將軍趙固與晉車騎將軍王申始相

拒於延津時黃霧晝昏人不相見固軍大敗始遂攻劉曜王  
彌于瓶壘大破之俘斬千餘級

嘉平元年夏四月趙固及平北大將軍王桑攻裴盾殺之五  
月署衛尉呼延晏使持節前鋒大都督前軍大將軍配禁兵  
二萬七千自宜陽入洛陽命王彌及始安王曜鎮軍將軍石  
勒引兵會之晏進河南晉師前後十二敗死者三萬餘人彌  
等未至晏留輜重于張方故壘癸未先至洛陽甲申攻平昌  
門克之丙戌焚東陽宣陽諸門及諸府寺晉懷帝遣河南尹  
劉默拒之敗于社門六月丁亥朔晏以外繼不至出自東陽  
門俘掠王公已下子女二百餘人而還懷帝具船于洛水將  
濟河東遁晏盡焚之還於張方故壘時城內饑甚人自相食

百官分散莫有固志庚寅司空荀藩及弟光祿大夫荀組奔  
轅轅太子左率溫幾夜開廣莫門奔小平津辛卯王彌至宣  
陽門壬辰始安王曜至西明門丁酉彌晏克宣陽門入南宮  
升太極前殿縱兵大掠悉收宮人珍寶懷帝開華林園門出  
河陰藕池欲奔長安晏兵追執之幽于端門曜自西明門入  
屯武庫戊戌殺晉太子詮吳王晏竟陵王楨尚書左僕射和  
郁右僕射曹馥尚書閭邱沖袁粲王緄河南尹劉默及諸王  
公已下三萬餘人于洛水北築爲京觀遂發掘諸陵焚燒宗  
廟宮府皆盡逼辱后妃曜納惠帝羊皇后遷懷帝及侍中庾  
珉等并傳國璽于平陽作赦書以六月十一日破洛羣王十  
二束手軍門貂蟬羽葆以充王府丁未聽大赦改元嘉平以

帝爲特進左光祿大夫封平阿公以侍中庾珉王雋爲光祿大夫秋七月晉太尉征西大將軍南陽王司馬模使牙門趙染戍蒲阪染求馮翊太守不得怒率眾歸聰聰以染爲平西將軍八月聰遣趙染與安西將軍雅帥騎二萬攻模于長安河內王粲始安王曜帥大眾繼之染敗模于潼關將軍呂毅死之長驅至下邳涼州將北宮純自長安率眾迎降進圍長安模遣淳于定出戰敗績模倉庫空虛士卒離散軍諮祭酒章輔曰事急矣早降可以免禍模從之降於染染箕踞褻袂數模之罪送之於粲九月粲殺模及其子范陽王黎以模妃劉氏賜別將張本爲妻送衛將軍梁汾長史魯繇兼散騎常侍杜鶩辛謚及北宮純等于平陽聰以粲之害模也大怒粲

曰臣殺模本不以其晚識天命之故但以晉氏肺腑洛陽之難不能死節天下之惡一也故誅之聰曰雖然吾恐汝不免誅降之殃也夫天道至神理無不報時關西饑饉白骨蔽野士民存者百無一二冬十月署始安王曜爲車騎大將軍開府儀同三司雍州牧更封中山王鎮長安王彌爲大將軍封齊公石勒爲幽州牧十一月彌爲石勒所殺因并其眾表彌叛狀聰大怒遣使讓勒專害公輔有無上之心又恐勒之有二志也卽以彌部眾配之加勒鎮東大將軍督并幽二州諸軍事領并州刺史以慰其心曜旣據長安安定太守賈疋與諸氏羌皆送任子于聰惟雍州刺史麴特新平太守竺恢馮翊太守索綝固守不降安夷護軍麴允潁陽令梁肅自京兆

南山將奔安定遇疋任子于陰密擁還臨涇謀復晉室推疋  
爲平西將軍率眾五萬攻曜於長安扶風太守梁綜及麴特  
竺二恢等亦率眾十萬會之曜遣劉雅趙染攻疋雅等先攻竺  
恢不克疋要擊大敗之曜又盡長安銳卒與疋等戰於黃邱  
曜眾大敗身中流矢退走疋追之至于甘泉一作渠旋自渭橋  
襲梁州刺史彭蕩仲殺之後蕩仲子天護率羣胡攻疋疋遂  
敗走夜墮澗中爲天護所殺聰以天護爲梁州刺史杜人王  
禿紀持及麴特等擊河內王粲于新豐粲還平陽曜攻陷池  
陽掠萬餘人歸長安十二月晉閻鼎等奉秦王業爲皇太子  
入于雍城兵勢大振關西胡晉翕然響應

嘉平二年春正月聰后呼延氏卒諡曰武元甲戌聰以司空



王育尚書令任顓女爲左右昭儀中軍大將軍王彰中書監  
范隆左僕射馬景女皆爲貴人右僕射朱紀女爲貴妃皆金  
印紫綬聰將納太保劉殷女太弟又固諫聰以問于太宰延  
年太傅景景等對曰臣常聞太保自云劉康公之後與陛下  
殊源納之何害聰悅使兼大鴻臚李弘一作恆拜殷二女英娥

爲左右貴嬪位在昭儀上又納殷女孫四人皆爲貴人位次  
貴嬪謂弘曰此女輩姿色超世女德冠時且太保于朕實自  
不同卿意安乎弘曰太保胤自有周與聖源實別陛下正以  
姓同爲恨耳且魏司空東萊王基當世大儒豈不達禮乎爲  
子納司空太原王沈女以其姓同而源異故也聰大悅賜弘  
黃金六十斤曰卿當以此意諭我子弟輩于是六劉之寵傾

于後宮聰希復出外事皆中黃門納奏左右貴嬪決之二月  
聰假懷帝儀同三司封會稽郡公庾珉等以次加秩聰引帝  
入讌從容謂帝曰卿昔爲豫章王時朕與王武子造卿武子  
稱朕于卿卿言聞其名久矣以卿所製樂府歌示朕因謂朕  
曰聞君善爲辭賦試爲看之朕時與武子俱爲盛德頌卿稱  
善者久之又引朕射于皇堂朕得十二籌卿與武子俱得九  
籌卿贈朕柘弓銀斝卿頗記否帝曰臣安敢忘之但恨爾日  
不早識龍顏耳聰曰卿家骨肉相殘何其甚也帝曰此殆非  
人事皇天之意也大漢將應乾受一作應天受命故爲陛下自相  
驅除耳且臣家若能奉武皇帝之業九族敦睦陛下何由得  
之至日夕乃出聰喜以小劉貴人賜帝謂帝曰此名公之孫

也今特以相妻卿善遇之拜劉爲會稽國夫人三月聰遣鎮

北將軍靳冲寇太原平北將軍卜瑒率眾繼之不克遂圍晉

陽魏穆帝

拓跋猗盧

遣兵來救乙未冲兵敗走卜瑒之卒先奔冲

歸罪於瑒輒斬之聰聞而大怒曰此人朕所不得加刑冲何

人哉遣御史中丞浩衍持節斬冲聰又納舅子輔漢將軍張

實二女徽光麗光爲貴人太后張氏之意也夏四月聰封子

敷爲渤海王驥爲濟南王鸞爲燕王鴻爲楚王勣爲齊王權

爲秦王操爲魏王持爲趙王左都水使者襄陵王攄坐魚蟹

不供將作大匠望都公靳陵坐溫明徽光二殿未成皆斬于

都市聰遊獵無度晨出暮歸觀魚于汾水以燭繼晝中軍大

將軍王彰切諫曰今大難未夷餘晉假息陛下不懼白龍魚

服之禍至昏夜忘歸陛下當思先帝創業之艱難嗣承之不  
易鴻基已奠四海屬情何可墜之于垂成隳之于將就比觀  
陛下所爲臣實痛心疾首且愚人歸漢之心未專思晉之心  
猶盛劉琨咫尺刺客縱橫帝王輕出一夫敵耳願陛下改往  
修來則億兆幸甚聰大怒命斬之上夫人王氏彰女也叩頭  
乞哀乃囚之詔獄太后張氏以聰刑罰過差三日不食太弟  
又子粲竝與攬切諫聰怒曰我豈桀紂幽厲乎汝輩何以生  
來哭人太宰延年太保殷及公卿列侯百有餘人皆免冠涕  
泣固諫曰光文皇帝以聖武膺期創建鴻祚而六合未一夙  
世升遐陛下睿德自天龍飛紹統東平洛邑南定長安眞可  
謂功高周成德超夏啓往也唐虞今則陛下厯觀書記未有

其比而頃來以小務不供亟斬王公直言忤旨據囚大將遊  
獵無度機管不修臣等竊所未解此臣等相與破肝糜胃忘  
寢與食也聰慨然曰朕昨大醉非其本心微公等言之朕不  
聞過各賜帛百疋使侍中持節赦彰曰先帝賴君如左右手  
君著勳再世朕敢忘之此段之過希君蕩然君能盡懷憂國  
朕所望也今進君驃騎將軍定襄郡公後有不逮幸數匡之  
雍州刺史麴特等圍長安數月中山王曜連戰敗績驅掠士  
女八萬餘口退奔平陽五月聰貶曜爲龍驤大將軍行大司  
馬使河內王粲攻司徒傅祗於三渚右將軍劉參攻郭默於  
懷城會祗病卒城陷粲遷祗子暢及其孫純粹并士女二萬  
餘戶于平陽聰贈祗太保純粹皆給事中以其忠於主也謂

暢曰尊公雖不達天命然各忠其主吾亦有以亮之但晉主已降天命非人所支而虔劉南鄙沮亂邊萌此其罪也以元惡之種而贈同勳舊逆臣之孫而荷榮禁闈卿知皇漢之德弘曠否暢曰陛下每嘉先臣不以小臣之故而虧其忠節及是恩也自是明主伐國弔民之義臣輒同萬物未敢謝生於自然六月聰欲立貴嬪劉英爲皇后張太后欲立貴人張徽光聰不得已許之英尋卒大昌文獻公劉殷卒聰以河間王易爲車騎將軍彭城王翼爲衛將軍竝典禁兵宿衛高平王曄爲征南將軍鎮離石濟南王驥爲征西將軍築西平城以居之魏王操爲征東將軍鎮蒲子安北大將軍雍州刺史趙固平北大將軍豫州刺史王桑欲引兵歸平陽軍中乏糧士

卒相食乃自破礮津西渡攻掠河北郡縣使人自懷求迎于聰聰遣鎮遠將軍梁伏疵將兵迎之未至長史臨深將軍牟穆帥眾一萬叛歸劉演固隨疵而西桑引其眾歸青州固遣兵追之殺桑于西梁桑將張鳳率其餘眾歸演聰以固爲荊州刺史領河南太守鎮洛陽晉平北將軍劉琨移檄州郡期以十月會平陽擊聰琨素奢豪喜聲色河南徐潤以音律得幸于豫政事護軍令狐盛數以爲言勸琨殺之琨不從潤譖盛于琨曰盛將勸公稱帝矣琨竟收盛殺之盛子泥遂奔于聰具言虛實聰大悅遣河內王粲中山王曜等攻并州以令狐泥爲鄉導屬上黨太守龔醕帥眾降聰雁門烏丸復反琨聞之親帥兵東出收兵于常山及中山使部將郝詵張喬將

兵來拒戰于武灌喬等敗死晉陽危懼太原太守高喬并州  
別駕郝聿以晉陽降粲秋八月庚戌琨還救晉陽不克乃與  
左右數十騎攜其妻子奔于趙郡之亭頭遂如常山粲曜入  
晉陽壬子令狐泥殺琨父母粲曜送尚書盧志侍中許遐太  
子右衛率崔瑋于平陽聰復以曜爲車騎大將軍以前將軍  
劉豐爲鎮北大將軍并州刺史鎮晉陽九月聰以盧志爲太  
弟太師崔瑋爲太傅許遐爲太保高喬令狐泥郝聿皆爲武  
衛將軍己卯聰衛尉梁汾奔長安辛巳前雍州刺史麴特討  
河內王粲于三輔粲敗走關中擾亂冬十月乙酉聰封子恆  
爲代王逞爲吳王朗爲潁川王皋爲零陵王旭爲丹陽王京  
爲蜀王坦爲九江王晃爲臨川王丁亥以司空王育爲太保



驃騎大將軍王彭爲太尉尚書令任顛爲司徒左僕射馬景

爲司空右僕射朱紀爲尚書令中書監范隆爲左僕射前軍

大將軍呼延晏爲右僕射先是劉琨與穆帝倚盧也時稱代王結爲

兄弟至是乃告急于穆帝且乞師焉穆帝遣長子賓六須一作

六及桓帝子普根將軍衛雄范班箕澹等率眾數萬爲前鋒

以攻晉陽琨收散卒千餘爲之鄉導穆帝自帥眾二十萬繼

之至于狼猛一作益城曜及賓六須戰于汾東曜兵敗績墜馬中

流矢身被七創討虜將軍傅虎以馬授曜驅令渡汾自還戰

死曜入晉陽夜與大將軍河內王粲鎮北大將軍豐等掠晉

陽百姓踰蒙山遁走十一月穆帝帥騎來追戰于藍谷粲兵

敗績斬征虜將軍邢延及劉儒劉豐簡金張平等三千餘級

伏屍數百里甲午粲等遁還穆帝因大獵壽陽山陳闔皮肉  
山爲之赤琨自營門步入拜謝固請進軍穆帝曰吾不早來  
致卿父母見殺誠以相愧今卿已復州境吾旣遠來士馬疲  
敝且待後舉劉聰未可滅也遺琨馬半羊各千餘疋車百乘  
而去留其將箕澹段繁等戍晉陽十二月聰立張貴人徽光  
爲皇后以其父實爲左光祿大夫

嘉平三年春正月丁丑朔聰大會羣臣于光極殿逼懷帝著  
青衣行酒侍中光祿大夫庾珉王雋等不勝悲憤因之號哭  
聰惡之有告珉等謀以平陽應劉琨者二月丁未聰鳩殺帝  
于平陽誅珉雋等故晉臣五十餘人復以會稽國劉夫人爲  
貴人大赦境內殊死已下先是侍中隴西辛旻隨帝至平陽

聰欲署爲光祿大夫固辭不受聰遣黃門侍郎喬秉齎藥酒  
逼之勉曰大丈夫豈以數年之命而虧高節事二姓見武皇  
帝哉引藥將飲秉遽止之曰主上相試耳君真高士也歎息  
而去聰嘉其貞節深敬異之爲築室于平陽西山月致酒米  
勉亦辭而不受乙亥太后張氏卒諡曰光獻張皇后不勝哀  
丁丑亦卒諡曰孝武己卯定襄忠穆公王彰卒三月聰立左  
貴嬪劉娥爲皇后爲之起鸚儀樓于後庭廷尉陳元達諫曰  
臣聞古之聖王愛國如家故皇天亦祐之如子夫天生蒸民  
而樹之君使司牧之非以兆民之命窮一人之欲也晉氏闇  
虐視百姓如草芥故上天剝絕其祚眷祐皇漢蒼生引領庶  
幾息肩懷更生之望有日矣我高祖光文皇帝靖言惟茲痛

心疾首故身衣大布居不重茵先皇后嬪服無綺綵重逆羣  
臣之請乃建南北二宮今光極之前足以朝羣臣饗萬國矣  
昭德溫明已後足以容六宮列十二等矣陛下龍興已來外  
殄二京不世之寇內興殿觀四十餘所加之軍旅數興餽運  
不息饑饉疾疫死亡相繼兵疲于外民怨于內爲之父母固  
若是乎伏聞詔旨將營鷓儀中宮新立誠臣等樂爲子來者  
也竊以大難未夷宮宇麤給今之新營尤實非宜況有晉遺  
類西據關中南擅江表李雄奄有巴蜀王浚劉琨窺窬肘腋  
石勒曹嶷貢稟漸疏陛下釋此不憂乃更爲中宮作殿豈目  
前之所急乎昔太宗承高祖之業惠呂息役之後四海之富  
天下之殷粟帛流行尙惜百金之費輟露臺之役歷代比美

迹垂不朽故能斷獄四百擬于成康陛下承荒亂之餘所有之地不過太宗之二郡戰守之備非特匈奴南越而已孝文之廣思費如此陛下之狹欲損如此愚臣所以敢昧死犯顏色冒不測之禍也聰大怒曰朕爲萬幾主將營一殿何問汝鼠子乃敢妄言沮眾不殺此鼠子朕殿何當得成命左右曳出斬之并其妻子梟首東市使羣鼠共穴時聰在逍遙園李中堂元達先鎖腰而入卽以鎖鎖堂下樹呼曰臣所言者社稷之計而陛下殺臣若死者有知臣當上訴陛下于天下訴陛下于先帝朱雲有言臣得與龍逢比干遊于地下足矣未審陛下何如主耳左右曳之不能動聰怒甚大司徒任顓光祿大夫朱紀左僕射范隆驃騎大將軍河間王易等叩頭流

血曰元達爲先帝所知受命之初卽引置門下盡忠竭慮知無不言臣等竊祿苟安每見之未嘗不發愧今所言雖狂直願陛下容之因諫諍而斬列卿其如後世何聰默然劉后在後堂聞之密遣中常侍私勅左右停刑手疏切諫具劉后傳聰怒乃解引元達而謝之易逍遙園爲納賢園李中堂爲愧賢堂夏四月壬申愍帝卽位于長安聰遣中山王曜及司隸校尉喬智明虎牙將軍李景年等寇長安平西將軍趙染帥眾赴之晉安夷護軍始平太守一作大都督麴允據黃白城以拒之五月曜等進屯蒲坂時允累爲曜等所敗晉遣安東將軍索綝爲征東大將軍將兵助允六月晉平北將軍劉琨與穆帝會于陘北謀擊聰秋七月琨進據藍谷穆帝乃遣普根屯于北

屈琨遣監軍韓據自西河而南將攻西平聰遣大將軍粲等拒琨驃騎大將軍易等拒普根蕩晉將軍蘭陽等助守西平琨等聞之引兵還聰使諸軍仍屯所在爲進取之計九月趙染謂曜曰麴允率大眾在外長安空虛可襲而取之旣得長安黃白城自服願大王以重眾守此染請輕騎襲之曜乃承制加染前鋒大都督安南大將軍以精騎五千配之進攻長安王師敗于渭陽將軍王廣死之庚寅染夜入長安外城帝奔射雁樓染焚燒龍尾及諸營殺掠千餘人辛卯且退屯逍遙園壬辰將軍麴璽自阿城帥眾五千來救癸巳染引兵退璽追擊之與曜遇于零武璽兵大敗曜自恃連勝不爲設備冬十一月麴允引兵襲曜連戰敗之殺冠軍大將軍喬智明

曜退入粟邑遂歸平陽十二月曜忌河南魏浚素得眾心乃

率軍圍浚于石梁兗州刺史劉演河內太守

一作河州

郭默遣軍

救之曜分兵逆擊戰于河北伏兵深隱處邀擊演默軍大破之盡虜其騎浚夜遁走爲曜所獲殺之浚族子該隨浚赴難先領兵守金墉城故得無他曜引還餘眾復依該時杜預子尹爲弘農太守屯宜陽界一泉塢

水經註作一合塢

數爲曜兵所抄

掠尹要該共拒之該遣其將馬瞻三百人赴尹瞻知其無備夜襲殺尹迎該入塢塢人震懼竝服從之遂與李矩郭默相結以拒曜兵又與河北尹任愔相連後漸饑弊曜兵攻之日至欲率眾南徙眾不從該遂單騎奔南陽馬瞻帥餘眾降曜





前趙錄三

春秋卷第三

魏散騎常侍 崔鴻撰

劉聰中

嘉平四年春正月辛未日隕于地又有三日相承出于西方而東行平陽地震崇明觀陷爲池水赤如血赤氣亙天有赤龍奮迅而去流星起于牽牛入紫微龍形逶迤其光照地落于平陽北十里視之則有肉長三十步廣二十七步臭聞于平陽肉旁常有哭聲晝夜不止聰甚惡之延公卿已下問曰朕之不德致有斯異其各極言勿有所隱一作諱廷尉陳元達及博士張師等進曰星變之異其禍將及一作行臣恐後庭有三后之事亡國喪家靡不由此願陛下慎之聰曰此陰陽之

理何關人事癸未劉后產一蛇一虎各害人而走尋之不得  
頃之見在隕肉之旁巳丑劉后卒乃失此肉哭聲亦止諡曰  
武宣自是嬖寵競進後宮無序矣夏四月聰以驃騎大將軍  
河間王易爲太尉初置相國官上公有殊勲德者死乃贈之  
于是大定百官置太師丞相自大司馬以上七公位皆上公  
綠綬綬遠遊冠置輔漢都護中軍上軍輔軍鎮衛京左右前  
後上下軍輔國冠軍龍驤虎牙十六大將軍營各配兵二千  
以諸子爲之又置左右司隸各領戶二十餘萬萬戶置一內  
史凡內史四十二單于左右輔各主六夷十萬落萬落置一  
都尉省吏部又置左右選曹尙書竝典選舉自司隸以下大  
官皆位次僕射置御史大夫及州牧位皆亞公以子始安王

粲爲丞相領大將軍錄尚書事進封晉王食邑五郡江都王  
延年爲錄尚書六條事汝陰王景爲太師王育爲太傅任顛  
爲太保馬景爲大司徒朱紀爲大司空中山王曜爲大司馬  
五月曜與趙染復攻長安六月曜進屯渭汭染進屯新豐晉  
征東大將軍索綝自長安將兵出拒之染狙于累捷有輕綝  
之色長史魯徽諫曰今司馬業君臣自以逼僭王畿強弱不  
敵將致死拒我將軍宜整陳案兵擊之不可輕也困獸猶鬪  
況于國乎染曰以司馬模之彊我取之如拉朽索綝小豎豈  
能污吾馬蹠刀刃邪晨帥精騎數百馳出擊之曰要當禽綝  
而後食乃與綝戰于城西染遂大敗單馬而歸悔曰吾不用  
徽言以至于此何面目見之也先命斬徽徽臨刑謂染曰將

軍違謀取敗乃復忌前害勝誅戮忠良以逞愚忿猶有天地  
將軍其得死于枕席乎徽遂見殺曜染復與將軍殷凱率眾  
數萬向長安安夷護軍麴允逆戰于馮翊允敗收兵夜襲凱  
營凱敗被禽死之曜還攻河內太守郭默于懷城收其米粟  
八十萬斛列三屯圍之欲使默食盡餓死默送妻子爲質并  
請糴于曜糴畢復嬰城固守曜怒沈默妻子于河而攻之默  
遣弟芝求救于劉琨琨知默狡猾留芝而緩其救默更遣人  
告急會芝出城落馬使強與俱歸乃復遣芝質于石勒勒以  
默多詐封默書于曜默使人伺得勒書欲突圍投李矩于新  
鄭矩使其甥郭誦迎之誦兵少不敢進會劉琨遣參軍張肇  
帥鮮卑范勝等五百餘騎詣長安默時被圍道阻不通還過

矩營矩謂肇曰默是公家所授公家之事知無不爲屠各舊  
畏鮮卑遂邀肇爲聲援肇許之曜等望見鮮卑不戰而退誦  
潛遣輕舟濟河使勇士夜襲懷城大破曜軍默遂率其屬歸  
矩與矩并力拒曜聰遣使謂曜曰今長安假息劉琨遊魂此  
國家所尤宜先除也郭默小醜何足以勞公神略可留征虜  
將軍貝邱王翼光守之公其還也曜于是歸屯蒲阪秋七月  
趙染寇北地晉領軍將軍安夷護軍麴允率眾來拒染旦將  
攻城中弩而死冬十一月以晉王粲爲相國大單于總百揆  
省丞相以并相國遂徵中山王曜輔政是時平陽地震烈風  
拔樹發屋汾水大溢流漂數百家光義人羊充妻產子二頭  
其兄竊而食之三日而死

建元元年春正月聰以太廟新成大赦境內改年建元三月  
雨血于左司隸寺覆地其月又雨血于東宮延明殿徹瓦在  
地者深五寸太弟又惡之以問太傅崔瑋太保許遐瑋遐等  
說父曰主上往日以殿下爲太弟者欲以安眾心耳其志在  
晉王久矣王公已下莫不希旨附之相國之位自漢魏以來  
非復人臣之官主上本發明詔置之爲贈官今復以晉王居  
之羽儀威重踰于東宮萬機之事無不由之諸王皆置營兵  
以爲羽翼事勢已去殿下不得立明矣然非徒不得立已也  
不測之禍厄在且夕不如早爲之計今四衛精兵不減五千  
餘營諸王皆年齒尙幼可奪而取之相國輕佻正煩一刺客  
耳大將軍無日不出其營可襲而得也苟殿下有意二萬精

兵指顧可得鼓行入雲龍門宿衛之士孰不倒戈奉迎殿下者大司馬不慮其爲異也又弗從乃止夏四月東宮舍人荀裕告瑋遐等勸又謀反又不從之狀聰于是收瑋遐于詔獄假以他事殺之使冠軍或作冠威將軍卜抽將兵監守東宮禁又不聽朝賀又憂懼不知所爲上表自陳乞爲黔首并除諸子之封褒美晉王粲宜登儲副抽抑而弗通聰如護軍斬準第納其二女爲貴嬪大曰月光小曰月華皆國色也五月立月光爲皇后青州刺史曹疑攻汶陽關公邱陷之殺齊郡太守徐浮執建威將軍劉宣齊魯之間郡縣壘壁降者四十餘所疑遂略地西下祝阿平陰自鎮臨淄有眾十餘萬臨河置戍于是遂有雄據全齊之志石勒以疑之懷貳也表請討之聰



又憚勒之滅疑不可復制弗許中山王曜濟自盟津將攻河  
南遂進攻李矩于滎陽矩遣將軍李平師于城皋曜覆而滅  
之矩懼送質請降聰以皇后靳氏爲上皇后左貴妃劉氏爲  
左皇后右貴妃劉氏一作華爲右皇后左司隸陳元達以三后  
竝立非禮也極言切諫聰不納乃以元達爲右光祿大夫外  
示優崇實奪其權于是太尉范隆大司空呼延晏尙書令王  
鑒等皆抗表遜位以讓元達聰復以元達爲御史大夫儀同  
三司中山王曜攻長安頻爲王師所敗曜曰彼猶強盛弗可  
圖矣引師而還是月雨血于東宮宣光陵石人皆行數步宮  
中鬼夜哭三日而聲向右司隸寺乃止上皇后靳氏有穢行

陳元達奏之聰不得已廢之靳氏慚恚自殺靳有殊寵聰迫

于元達之諫故廢既而追念其姿色深仇元達六月大司馬  
中山王曜進攻上黨秋八月癸亥敗劉琨之眾于襄垣曜欲  
進攻陽曲聰遣使謂之曰長安擅命國家之深恥也宜以爲  
先陽曲一委驃騎天時人事其應至矣公其亟還曜遂迴滅  
郭邁朝于聰還屯蒲阪平陽地震雨血于東宮廣袤頃餘九  
月聰使大鴻臚邊鴻賜石勒弓矢冊命勒爲陝東伯得專征  
伐拜刺史將軍守宰列侯盡歲集上冬十月中山王曜進軍  
屯于粟邑遂攻北地督愍帝以麴允爲大都督驃騎將軍禦  
之曜進拔馮翊馮翊太守梁肅奔萬年時百官饑乏採稻以  
自存愍帝屢徵兵于相國司馬保保左右皆曰蝮虺螫手壯  
士斷腕今胡寇方盛且宜斷隴道以觀其變從事中郎裴詵

曰今虵已螫頭頭可斷乎保乃以鎮軍將軍胡崧行前鋒都督須諸軍集乃發麴允欲奉帝往就保索綝曰保得天子必逞其私志乃止曜進攻上郡上郡太守張禹奔于允吾于是關右翕然所在應曜遂進據黃臯十二月聰武庫陷入地一丈五尺是年并州祭酒桓回于途遇一老父問之云昔樂工成憑今居何職我與其人舊爲致清談得察孝廉君若相見令知消息回問姓字曰吾吳郡麻子軒也言畢而失回見憑具宣其意憑歎曰昔有此人計去世近五十年矣中郎荀彥舒聞之爲造祝文令憑設酒飯祀于通衢之下

麟嘉元年春正月中常侍王沈宣懷俞容中宮僕射郭猗中黃門陵修等皆寵幸用事聰乃立市于後宮與宮人讌戲或

三日不醒或百日不出自去冬不視朝政事一委相國粲惟生殺拜除乃使沈等入白之沈等多不白聰率以私意決之故勳舊功臣或弗敘錄而奸佞小人有數日便至二千石者軍旅歲興將士無錢帛之賞後宮之家賜賚及于僮僕動至數千萬沈等車服第舍皆踰于諸王子弟中表布衣爲內史令長者三十餘人奢僭貪殘賊害良善靳準合宗內外諂以事之郭猗與準皆有憾于太弟又謂相國粲曰太弟于主上之世猶懷不逞之志此乃殿下父子之深仇四海蒼生之重怨也而主上過垂寬仁猶不替二尊之位一旦有風塵之變臣竊爲殿下寒心且殿下光文帝之世孫主上之嫡子凡在含齒孰不係仰萬機事大何可與人且臣聞太弟與大將軍

謀因以三月上巳大讌作亂事成許以主上爲太上皇大將軍爲皇太子又許衛軍爲大單于二王已許之矣二王居不疑之地竝握重兵以此舉事事無不成臣謂二王茲舉禽獸之不若也背父親人人豈親之今又苟貪一切之利事成之後主上豈有全理殿下兄弟固不待言東宮相國單于當在武陵兄弟何肯與人也今禍期甚迫事淹變生宜蚤圖之春秋傳曰蔓草猶不可除况君之寵弟乎臣屢啓主上主上性敦友于謂臣言不實以臣刀鋸之餘而蒙主上殿下成造之恩故不憚逆鱗之誅每所聞必言冀垂採納臣當入言之願殿下不泄密表其狀殿下倘不信臣言可召大將軍從事中郎王皮及衛軍司馬劉惇假之恩顧通其歸善之路因以

問之必可知也粲許之猗密謂皮惇曰二王逆狀主上及相國具知之矣卿同之乎二人驚曰無之猗曰茲事已決吾憐卿親舊并見族耳因歔歔流涕皮惇大懼叩頭求哀猗曰吾爲卿計卿能用之乎二人皆曰謹奉教猗曰相國問卿卿但云有之若責卿何不先啓卿卽答曰臣誠負死罪然仰惟主上寬仁殿下敦睦恐言成詿僞則陷于誣譖不測之誅故不敢言耳皮惇許諾粲召問之二人至不同時而辭若畫一粲以爲信然初靳準從妹爲父孺子淫于侍人父怒殺之屢以嘲準準深慚恚嘗說粲曰東宮萬機之副殿下宜自居之以領相國使天下早有所係至是準又說粲曰昔孝成拒子政之言使王氏卒成篡逆可乎粲曰何可之有準曰然誠如聖

旨下官急欲有所言矣但以德非更生親非皇宗恐忠言暫出霜威已及故不敢耳粲曰君但言之準曰聞風塵之言謂大將軍衛將軍及左右輔皆謀奉太弟爲變期以季春若使太弟得天下殿下無容足之地矣粲曰爲之奈何準曰卒聞太弟爲變恐主上必不信如下官愚意宜緩東宮之禁錮勿絕太弟之賓客使輕薄之徒得與交遊太弟雅好待士必不以此爲嫌輕薄小人不能無迎合太弟之心爲之謀者小人

有始無終不能如貫高之流也然後下官爲殿下露表其罪殿下與太宰拘其賓客與太弟交通者考問之窮其事迹獄詞既具主上必以無將之罪罪之不然今朝望多歸太弟主上一旦晏駕恐殿下不得立矣粲然之乃命冠軍卜抽引兵

去東宮二月聰出臨上秋閣誅特進綦母達大中大夫公師  
或尙書王琰田歆少府陳休左衛卜崇大司農朱誕等皆羣  
閹所惡也侍中卜幹泣諫曰陛下方隆武宣之化故使幽谷  
無考槃奈何一旦先誅忠良將何以垂之于後昔秦愛三良  
而殺之君子知其不霸以晉厲之無道尸三卿之後猶有不  
忍之心陛下如何忽信左右愛憎之言欲一日尸卿大夫七  
人皆國之忠良無乃不可乎詔尙在臣所未敢宣露乞垂昊  
天之澤迴雷霆之威藉使休等有罪陛下直欲誅之不暴明  
其罪何以示四海此豈是帝王三訊之意邪意或作法字願陛下  
熟思之因叩頭流血王沈叱幹曰卜侍中欲拒詔乎聰拂衣  
而入免幹爲庶人太宰河間王易及大將軍渤海王敷御史



大夫陳元達金紫光祿大夫西河王延等皆詣闕表諫曰臣聞善人者乾坤之紀政教之本也邪佞者宇宙之螟蟥王化之蝨賊也故文王以多士基周桓靈以羣阎亡漢國之興亡未有不由于此自古明王之世未嘗有宦者與政武元安順豈足爲故事乎今王沈等處常伯之位乃握生死予奪于中勢傾內外愛憎任之矯弄詔旨欺誣日月內諂陛下外佞相國威權之重侔于人主王公見之駭目卿宰望塵下車銓衡迫之以勢選舉不復以實士因屬舉政由賄成多樹姦徒殘流海內知王琰等忠臣爲國盡節懼其姦萌發露陷之極刑陛下不垂三察猥加誅戮怨感穹蒼痛入九泉四海悲惋賢愚傷懼沈等皆刀鋸之餘背恩忘義之類豈能如士人君子

感恩展效以答乾澤也陛下何故親近之何故貴任之昔齊桓公任易牙而亂孝懷委黃皓而滅此皆覆車于前殷鑒不遠比年地震日蝕雨血火災皆沈等之由願陛下割翦兇醜與政之流引尙書御史朝省萬機相國與公卿五日一入會議政事使大臣得極其言忠臣得逞其意則眾靈自弭和氣呈祥况今遺晉未殄巴蜀不賓石勒潛據趙魏曹疑欲王全齊陛下心腹四支何處無患乃復以沈等助亂大政誅巫咸戮扁鵲臣恐遂成膏肓之疾後雖療之不可及已

一作其請如病何

免沈等官付有司定罪聰以表示沈等笑曰是兒等爲元達所引遂成癡也寢之沈等頓首泣曰臣等小人過蒙陛下識拔幸得備灑掃宮閣而王公朝士疾臣等如仇讐又深恨陛

下願收大造之恩以臣等膏鼎鑊皇朝上下自然雍穆矣聰  
曰此等狂言恆然卿何足恨乎更以訪粲粲盛稱沈等忠清  
乃心王室聰大悅封沈等爲列侯河間王易又詣闕上疏固  
諫聰大怒手裂其表三月易恚忿而死易素忠直元達倚之  
爲援得盡諫諍及聞其卒哭之悲慟歸而自殺夏五月丁丑  
大司馬中山王曜寇上郡上郡太守韋藉率眾奔南鄭秋七  
月曜逼長安復寇北地北地太守麴昌告急于大都督麴允  
允次于黃白城遣兵來救曜聞之轉寇上郡允乃去黃白而  
軍于靈武以兵弱不進曜遂圍北地是時北地饑甚人相噉  
食羌酋大軍須運糧以給昌將軍劉雅擊敗之昌復遣使求  
救于允允帥步騎三萬來援去城數十里曜等繞城放火煙

塵蔽天乃縱反間詐允曰郡城已陷焚燒向盡往無及也允信之眾懼而潰遂追戰于礪石谷允敗績奔靈武昌突圍赴長安北地遂陷初麴允告急于安定太守焦嵩嵩毒侮允曰須允困極當救之耳京都既陷嵩亦爲曜所滅曜進至涇陽渭北諸城悉潰獲晉建威將軍魯充散騎常侍梁緯少府皇甫陽等曜素聞充賢募生致之既見因賜之酒謂曰吾得子天下不足定也充曰身爲晉將國家喪敗不敢求生若蒙公恩速死爲幸曜曰義士也賜之劍令自殺梁緯妻隴西辛氏有美色曜既殺緯見辛氏將妻之使人扶取因據地大哭曰妾聞男以義烈女不再醮妾夫已死義不獨生且一婦人而事二姓明公又安用之也乞卽就死下事舅姑遂號哭不止

曜曰貞女也其任之亦自殺皆以禮葬之聰立樊氏為上皇  
 后樊氏即故張后侍婢也時四后之外佩皇后璽綬者復有  
 七人朝廷內外無復綱紀阿諛日進賄賂公行軍旅所在饑  
 疫相仍後庭賞賜動至千萬大將軍敷屢涕泣切諫聰不納  
 怒曰爾欲速使乃公死乎何以朝夕生來哭人敷憂忿發病  
 而死六月河東大蝗惟不食黍豆司隸斬準帥部民收而埋  
 之哭聲聞于十餘里後乃鑽土飛出復食黍豆平陽饑甚民  
 流叛死亡者什有五六石勒遣其將石越帥騎二萬屯于并  
 州招撫流民一作撫聰使黃門侍郎喬詩讓勒不奉命潛  
 結曹疑規為鼎峙之勢司隸部人奔于冀州者二十萬戶秋  
 七月大興豕交于相國府門又交于宮門又交于司隸御史

門有豕著進賢冠升聰御坐犬冠武弁帶綬與豕竝升俄而  
鬪死殿上宿衛之人莫有見其入者而聰昏虐彌甚不知戒  
懼八月聰讌羣臣于光極殿引見太弟又容貌毀悴鬢髮蒼  
然涕泣陳謝聰亦對之悲慟乃縱酒極歡待之如初九月中  
山王曜逼長安內外斷絕晉鎮西將軍安定太守焦嵩平東  
將軍宋哲新平太守竺恢引兵來救散騎常侍華輯監京兆  
馮翊弘農上洛四郡兵東屯霸上皆畏曜兵強竝不敢進相  
國司馬保遣鎮軍將軍前鋒都督胡崧帥城西諸郡兵入援  
屯遮馬橋擊曜于靈臺破之崧恐國威復震則麴索勢盛乃  
帥城西諸郡兵屯渭北不進遂還槐里冬十月曜攻陷長安  
外城麴允索繼興公卿退守長安小城以自固時城中饑甚

人皆相食死者大半逃亡不可復制惟涼州義眾千餘守死  
不移太倉有麩數十餅麩允屑之爲粥以供帝膳至是復盡  
十一月帝泣謂允曰今窘急如此外無救援勢不自支死于  
社稷是朕事也朕念將士暴殫斯酷今欲聞城未陷爲羞死  
之事庶令黎元免屠爛之苦行矣遣書朕意決矣因歎曰誤  
我事者麩索二公也使侍中宋儆

紀事本末  
作宗儆

奉牋降曜索綝

乃潛留儆使其子說曜曰今城中食猶足支一歲未易可尅  
也若許綝以車騎儀同萬戶郡公者請以城降曜斬而送之  
曰帝王之師以義行也孤將兵十五年未嘗以詭譎欺人

一作

敗人必窮兵極勢然後取之今索綝所說如是天下之惡一也

輒相爲戮之若審兵食未盡者便可勉強固守如其糧竭兵

微亦宜早悟天命孤恐霜威一震玉石俱摧甲午敝隨使者  
至曜營乙未愍帝肉袒牽羊輿觀銜璧出降于東門羣臣號  
泣攀輿執帝之手帝亦悲不自勝御史中丞馮翊吉朗歎曰  
吾智不能謀勇不能死何忍君臣相隨北面事虜賊乎乃自  
殺曜受璧焚觀使敝奉帝還宮初有童謠曰天子何在豆田  
中時王浚在幽州以豆有藿殺隱士霍原以應之及帝如曜  
營營實在城東豆田壁丁酉遷帝及司徒梁汾驃騎麴允奮  
威索綝等諸臣百餘人于其營辛丑至于平陽壬寅聰臨光  
極殿帝稽顙于前以爲光祿大夫封懷安侯麴允伏地慟哭  
扶不能起聰大怒幽之于獄允發憤自殺聰聞其死嘉其忠  
烈贈車騎將軍諡節愍侯允金城人與游氏世爲豪族西州



爲之語曰麴與游牛羊不數頭南開朱門北望青樓至是自  
殺聰以索綝不忠于本朝戮之于東市尙書梁允侍中梁濬  
散騎常侍嚴敷左丞相臧振黃門侍郎任播張偉杜曼及諸  
郡守竝爲曜所殺華輯奔南山聰以曜爲使持節假黃鉞大都  
督陝西諸軍事太宰秦王使相國祭告捷于太廟大赦境內  
改元麟嘉

春秋卷第三終

前趙錄四

春秋卷第四

魏 散騎常侍 崔 鴻 撰

劉聰下

麟嘉二年春正月朔日黑霧四塞終日竟夜著人如墨五日乃止石人言于宣光陵二月雨血于東宮其日又雨血于光極殿東宮四門無故自壞後內史女人化爲丈夫癸亥大將軍東平王約卒一指猶煖遂不殯殮至于甲戌乃蘇言見淵于不周山經五日遂復從至崑崙山三日而復返于不周見諸王公卿將相死者悉在大有人民宮室壯麗號曰蒙珠離國淵謂約曰東北有遮須夷國無主久待汝父爲之汝父後三年當來來後國中大亂相殺害吾家死亡畧盡但可永明

輩十數人在耳汝且還後年當來見汝不久約拜謝而歸道  
遇一國曰猗尼渠餘國引約入宮與約皮囊一枚曰爲吾遺  
漢皇帝約辭而歸謂約曰劉郎後年來必見過當以小女相  
妻約歸置皮囊于枕上俄而蘇活謂左右曰枕上取囊來左  
右取得開之有一方白玉題文曰猗尼渠餘國天王敬信遮  
須夷國天王歲在攝提當相見也馳使奏呈聰曰若審如此  
吾不懼死也後聰死與此玉并葬焉時東宮鬼哭赤虹經天  
南有一岐三日竝照各有兩珥五色甚鮮客星犯紫微入于  
天獄而滅雨血平陽廣袤十里太史令康相言于聰曰虵虹  
見彌天一岐南徹三日竝照客星入紫微此皆大異其徵不  
遠也今虹達東西者許洛以南不可圖也一岐南徹者李氏

當仍跨巴蜀司馬叡終據全吳之象天下其三分乎月爲胡  
王皇漢雖包括二京龍騰九五然世雄燕代肇基北朔太陰  
之變其在漢域乎漢旣據中原歷命所屬紫宮之異亦不在  
他此之深重何可盡言石勒鴟視趙魏曹嶷狼顧東齊鮮卑  
之眾星布燕代齊代趙魏皆有將大之氣願陛下以東夏爲  
憂勿顧西南吳蜀之不能北侵猶大漢之不能南向也今京  
師寡弱勒眾精盛若盡趙魏之銳燕之突騎自上黨而來曹  
疑率三齊之眾爲之後繼陛下將何以抗之紫宮之變何必  
不在此乎願陛下早爲之所無使兆人生心陛下誠能發詔  
外以遠追秦皇漢武循海之事內爲高祖圖楚之計無不克  
矣聰覽之不悅是月使從弟暢帥步騎三萬攻滎陽太守李

一  
二  
矩屯于韓王故壘相去七里遣使招矩時暢兵卒至矩未及  
爲備遣使奉牛酒詐降于暢藏匿精勇暢見其老弱不復設  
備大饗渠帥人皆醉飽矩欲夜襲之士卒懼矩乃遣其將  
郭誦禱于子產祠曰君昔相鄭惡烏不鳴凶胡臭羯何得過  
庭使巫揚言曰東里有教當遣神兵相助將士聞之皆踊躍  
爭進矩選勇敢千人使誦將之帥督護楊璋等夜掩擊暢營  
俘斬首虜數千級獲鎧馬甚多先是郭默聞矩被攻遣弟芝  
帥眾援之既而聞破暢兵芝復馳赴矩與芝馬五百匹分  
軍爲三道追擊暢兵暢復大敗奔還僅以身免三月相國粲  
使其黨王平謂太弟乂曰適奉中詔云京師將有變敕裹甲  
以備非常乂以爲信然命東宮官屬皆裹甲以居粲遣使馳

告靳準王沈等曰向也王平告云東宮陰備非常將若之何  
準白之聰曰太弟將爲亂已裹甲矣聰大驚曰宜有是邪沈  
等同聲曰臣等聞之久矣但恐言之陛下弗信也聰乃使粲  
以兵圍東宮粲遣王沈靳準收氐羌酋長十餘人窮問之皆  
懸首高格燒鐵灼目酋長自誣與又同造逆謀聰謂沈等曰  
而今而後知卿等忠于朕也當念知無不言勿恨往日言而  
不用也于是誅又素所親厚大臣及東宮官屬皆沈準素所  
憎怨者數十人夏四月廢又爲北部王粲尋使準賊殺之坑  
士眾萬五千餘人平陽街巷爲之一空又形神秀爽寬仁有  
器度故士心多歸附之聰聞其死哭之悲慟曰吾兄弟止餘  
二人而不相容安得使天下知吾心邪氐羌叛者十餘萬落

以斬準行車騎大將軍討平之六月境內大蝗平陽雍翼尤甚斬準討捕之震其二子而死河汾大溢漂没千餘家東宮災門閣宮殿蕩然秋七月立晉王粲爲皇太子大赦境內殊死已下以粲領相國大單于總攝朝政如前八月聰安北大將軍趙固襲衛將軍華薈于臨潁殺之固與長史周振有隙振密譖固于聰先是李矩之破暢也于帳中得聰密詔令暢旣克矩還過洛陽收固斬之以振代固矩送以示固固斬振父子帥騎一千歸降于矩冬十一月聰校獵上林令愍帝行車騎大將軍戎服執戟前導行三驅之禮觀者皆指帝曰此故長安天子也聚而觀之故老或獻歔流涕一作悲泣太子粲言于聰曰昔周武王豈樂殺紂乎正恐同惡相求爲患故也今

司馬氏跨據江東趙固李矩同惡相濟興兵聚眾者皆以子業爲名不如早除之以絕其望聰曰吾前殺庾珉輩而民心猶如是吾未忍復殺也且小觀之十二月聰享羣臣于光極前殿欲觀晉臣在朝者乃使帝行酒洗爵已而更衣又使帝執蓋多有涕泣或至失聲者尙書郎辛賓起而抱帝大哭聰怒曰前殺庾珉輩故不足爲戒邪命引出斬之趙固與河內太守郭默攻聰河東至于絳邑右司隸部民盜牧馬負妻子奔之者三萬餘人騎兵將軍劉勳追討之殺萬餘人固默引歸劉頡邀擊之爲固所敗聰使太子粲及征北將軍劉雅等帥步騎十萬伐固次于小平津固揚言曰要當生縛劉粲以贖天子聰聞而惡之粲表于聰曰子業若死民無所望則不



爲李矩趙固之用不攻而自破矣戊戌殺愍帝于平陽帝之  
蒙塵也侍中許肅冒難侍左右帝臨崩言欲見許侍中肅馳  
詣相見帝已不能語肅曰未審陛下尙識臣否帝猶執肅手  
流涕肅歔歔登牀帝遂投于其懷抱之中肅晝夜號泣聰外  
欲明已不害乃僞責諸臣欲盡誅之羣臣逃竄惟肅獨曰備  
位故臣願乞得殯殮就戮聰許之事訖詣聰曰國亂不能匡  
君亡弗能死舉目莫非愧恥所以忍辱正爲山陵未畢耳微  
情已叙甘就刑戮聰義而免之雅等遂進攻洛陽趙固奔陽  
城山

麟嘉三年春二月李矩使郭默郭誦救趙固屯于洛口

一作洛陽

潛遣耿穉張皮等簡精卒千人夜濟河來襲桑營貝邱王翼

光自釐城覘知之乃以告粲請爲之備粲曰征北南渡趙固望聲逃竄彼方憂自固何暇來此邪且聞上身在此自當不敢北視况敢濟乎母爲驚動將士是夜穉等飛梯騰柵十道進攻粲眾驚擾一時奔潰死傷大半粲勒兵于東北穿柵而去奔保陽鄉穉等據其營壘獲器械軍資不可勝計及旦粲見穉等兵少更與雅馳還柵于壘外聰聞粲敗使太尉范隆帥騎赴之穉等大懼遂與雅相持粲悉眾攻穉苦戰二十餘日不能下李矩率兵來援使壯士三千汎舟迎之粲與雅等臨河列陣作長鉤以鉤船連戰數日不得度矩夜遣部將格增潛濟入穉營壘與穉選精騎千餘殺所獲牛馬焚燒器械突圍而出趨北山南奔虎牢騎兵將軍劉勳追之至于河陽

穉師大敗死者五千五百人投河死者千餘人三月聰所居  
螽斯則百堂災焚子會稽王康以下二十一人聰聞之自投  
于牀哀塞氣絕良久乃蘇自此鬼哭宮中至于九月夜聲不  
絕平陽西明門社自亡霍山崩聰署驃騎大將軍濟南王驥  
爲大將軍都督中外諸軍事錄尚書衛大將軍齊王勣爲大  
司徒夏四月中常侍王沈養女年十四有妙色聰立以爲左  
皇后尚書令王鑒中書監崔懿之中書令曹恂等諫曰臣聞  
王者立后將以上配乾坤之性象二儀敷育之義生承宗廟  
母臨天下匹配后土執饋皇姑必擇世德名宗幽閑令淑乃  
副四海之望稱神祇之心是故周文造周妣氏以興關雎之  
化饗則百世之祚永孝成帝任心縱欲以趙飛鸞爲后使皇

統絕滅社稷爲傾有周之隆如彼大漢之禍如此自麟嘉以  
來亂淫于色中宮之位不以德舉縱沈之女弟刑餘小醜猶  
不可以污清廟而塵瓊寢況其家婢邪六宮妃嬪皆公子公  
孫奈何一旦以婢主之何異象犧玉簣而對腐木朽楹哉臣  
恐非國家之福也聰覽之大怒使中常侍宣懷謂太子粲曰  
鑒等小子慢侮國家狂言自口無復君臣上下之禮其速考  
竟于是收鑒等送獄金紫光祿大夫王延馳將入諫門者弗  
通鑒等臨刑王沈以杖叩之曰庸奴復能爲惡乎乃公何與  
汝事鑒瞋目叱之曰鑒子滅皇漢者正坐汝鼠輩與斬準耳  
要當訴汝于先帝取汝于地下治之準謂鑒曰吾受詔收君  
有何不善君言漢滅由吾何也鑒曰汝殺皇太弟使主上獲

不友之名國家畜養汝輩何得不滅懿之謂準曰汝梟聲貌  
 形必為國患汝既食人人亦當食汝皆斬于東市五月聰立  
 中常侍宣懷養女為中皇后六月鬼哭于光極殿又哭于建  
 始殿雨血平陽廣袤十里聰晝見東平王約時約已死聰甚  
 惡之謂太子粲曰吾寢疾愒頓怪異特甚往以約之言為妖  
 比累日見之此兒必來迎吾也何圖人死定有神靈如是吾  
 不悲死也但今世難未夷非諒闇之日朝終夕殮旬日而葬  
 徵大司馬曜為丞相石勒為大將軍竝錄尚書輔政勒固辭  
 仍以曜為丞相領雍州牧勒為大將軍領幽冀二州牧勒亦  
 不受以上洛王景為太宰濟南王驥為大司馬昌國公任顓

一作劉顓為太師朱紀為太常呼延晏為太保竝錄尚書事范隆

守尙書令儀同三司靳準爲大司空領司隸校尉皆迭決尙書奏事聰以晉太興元年秋七月癸亥薨于建始殿在位九年甲子粲卽僞位葬聰于宣光陵諡曰昭武皇帝廟號烈宗

### 劉粲

劉粲字士光少而儁傑才兼文武自爲宰相威福任情疏遠忠賢昵近奸佞任情嚴刻無復恩惠拒諫飾非好興宮室相國之府彷彿紫宮在位無幾作兼晝夜饑困窮叛死亡相繼粲弗之恤也旣嗣僞位尊聰后靳氏爲皇太后號樊氏爲弘道皇后宣氏爲弘德皇后王氏爲弘孝皇后太后等皆年未盈二十竝有國色粲晨夜烝淫于內多行無禮無復哀戚立妻靳氏爲皇后子元公爲太子大赦境內改年漢昌八月雨

血于平陽靳準將有異謀私謂粲曰如聞諸公欲行伊霍之事謀先誅太保及臣以大司馬統萬機陛下若不先之臣恐禍之來也不晨則夕粲弗納準懼其言之不從謂聰二靳氏曰今諸公侯欲廢帝立濟南王恐吾家無復種矣盍言之于帝二靳乘間言之粲從之收太宰上洛王景太師昌國公任顛大司馬濟南王驥大司徒齊王勣等皆殺之太傅朱紀太尉守尚書令范隆出奔長安又誅驥同母弟車騎大將軍吳王暹粲大閱于上林謀討石勒以丞相暉爲相國都督中外諸軍事仍鎮長安靳準爲大將軍錄尚書事粲沈荒酒色遊讌後庭軍國之事皆決于準準矯粲命以從弟靳明爲車騎將軍靳康爲衛將軍及將作亂以金紫光祿大夫王延耆德

時望謀之于延延弗從馳將告之遇靳康劫之以歸準怒殺之遂勒兵入宮升光極殿使甲士執粲數而殺之謚曰隱帝劉氏男女無少長皆斬于東市發掘永光宣光二陵斬聽尸焚燒宗廟鬼大哭聲聞百里征北將軍雅出奔西平準自號大將軍漢天王置百官謂安定胡嵩曰自古無胡人爲天子者今以傳國璽付汝還如晉家嵩不敢受準怒殺之遣使告司州刺史李矩曰劉淵屠各小醜因大晉事故之際作亂幽并矯稱天命至使二帝幽沒虜庭輒帥眾扶侍梓宮請以上聞矩馳表于晉詔遣太常韓肩等奉迎紫宮未至而準已爲石勒劉曜所沒尙書北宮純胡崧等招集晉人堡于東宮靳康攻滅之



東漢書

卷之六

東漢書卷之六

東漢書

卷之六

東漢書卷之六

東漢書卷之六

東漢書卷之六

東漢書卷之六

東漢書卷之六

東漢書卷之六

東漢書卷之六

春秋卷第四終

東漢書卷之六